

四庫全書

經部

欽定四庫全書

經部

儀禮注疏卷十三

詳校官監察御史臣曹坦

刑部郎中臣許兆椿覆勘

覆校官中書臣陳林

校對官中書臣王鍾泰

謄錄貢生臣趙希濬

欽定四庫全書

儀禮注疏卷十三

漢鄭氏注 唐陸德明音義 賈公彥疏

既夕第十三

既夕哭注既已也謂出門哭止復外位時疏釋曰此經

請啓期之事注釋曰夕哭者是主人朝夕哭在殯宮作

階之下禮將請啓殯之時主人於夕哭訖出寢門復外

位故鄭云謂出門哭止復外位時也鄭知復外位時者

見上篇小日禮云既朝哭皆復外位朝夕之哭其禮並

同明知此請啓期亦在復外位時若然上篇卜日禮云

既朝哭皆復外位此不於既朝哭而待既夕哭者謂明

日之朝始啓殯又不可隔夕哭故於既夕請也但復請外位之時必有弔賓來亦在外位故請期因告賓也請

啓期告于賓注將葬當遷柩于祖有司於是乃請啓肆

之期於主人以告賓賓宜知其時也今文啓為開音義

請七井反肆以

疏

注釋曰云將葬當遷柩于祖有司於是乃請啓肆之期於主人以告賓者

鄭解時未至而豫前二日夕哭之後出於門外位請期者明日須啓肆以柩朝于祖故有司於此時請啓肆之

期告賓使知而

來赴弔之事也○夙興設盥于祖廟門外注祖王父也

下士祖禰共廟疏

釋曰自此盡階間論豫於祖廟陳饌之事言夙興者謂夕哭請期訖明旦

早起豫設盆盥於祖廟門外擬舉鼎之人盥手案小斂設盆盥在東堂下大斂設盥於門外雖不言東方約小

斂盥在東堂下則大斂盥亦門外東方此下陳鼎如大斂奠則此設盥亦在門外東方如大斂也注釋曰云祖王父也者案祭法云曰考廟曰王考廟此云王父王父之言出於彼云下士祖禰共廟者又祭法云適士二廟官師一廟鄭注云官師中士下士案下記云其二廟則饌于禰則此經所朝據一廟者而言設盥于祖是下士一廟祖禰共廟**陳鼎皆如殯東方之饌亦如之**注皆皆據尊者而言也

三鼎也如殯如大斂既殯之奠疏

釋曰案上文殯後大斂之陳三鼎有豚魚

腊在廟門外西面北上此陳鼎亦如之云東方之饌亦如之者彼大斂時云東方之饌兩瓦甒其實醴酒耗豆兩其實葵菹芋羸醢兩邊無滕布中其實栗不擇脯四脰故今云東方之饌亦如之注釋曰云皆皆三鼎也者以其言皆明非一鼎皆三鼎可知又不言外內即門外及陳于阼階下亦西面北上外內同云如殯如大斂既

殯之奠者以其大斂於阼階即移于棺而殯之殯訖乃于室中設大斂之奠即大斂奠在殯後恐於殯時別有奠故明之云如殯如大斂既殯之奠也

俛牀饌于階間注俛之言尸也朝

正柩用此牀音義

俛音夷本亦作夷饌劉士轉反朝直遙反疏注釋曰云夷

遷尸於堂亦言夷尸盤衾皆依尸而言故云夷之言尸也云朝正柩用此牀者謂柩至祖廟兩楹之間尸北首之時乃用此牀故名夷牀也

○二燭俟于殯門外注早闇以為明也

燭用蒸音義

蒸之承反薪也疏釋曰自此盡夷衾論啓殯及變服之事二燭者以其發殯宮徹

奠下云燭入注云焰徹與啓肆者故於此豫備之注釋曰云燭用蒸者案周禮甸師氏云以薪蒸役外內饗注大曰薪小曰蒸又案少儀云主者執燭抱燭鄭云未葬曰燭燭即蒸故云燭用蒸也

丈夫髻散帶

垂卽位如初注為將啓變也此互丈以相見耳髻婦人

之變喪服小記曰男子免而婦人髻男子冠而婦人笄

如初朝夕哭門外位音義

髻側瓜反散惡但反音問冠古亂反

疏注釋曰云

為將啓變也者凡男子免與括髮散帶垂婦人髻皆當
小斂之節今於啓殯時亦見尸柩故變同小斂之時故
云為將啓變也云此互丈以相見耳髻婦人之變者髻
既是婦人之變則免是男子之變今丈夫見其人不見
免則丈夫當免矣婦人見其髻不見人則婦人當髻矣
故云互丈以相見耳引喪服小記者證見未成服已前
男子免而婦人髻既成服已後男子冠婦人笄若然小
斂之時斬衰男子括髮齊衰以下男子免不言男子括
髮者欲見啓殯之後雖斬衰亦免而無括髮知者按喪
服小記云總小功虞卒哭則免注云棺柩已藏嫌恩輕

可以不免也言則免者則既殯先啓之聞雖有事不免
以此而言先啓不免則啓當免矣又喪服小記云君弔
雖不當免時也主人必免不散麻雖異國之君免也親
者皆免注云不散麻者自若絞垂為人君變貶於大斂
之前既啓之後也親者大功以上也注直言不散麻貶
於既啓之後則主人著免不貶矣以此言之啓後主人
免可知若啓後著免亦是貶矣若然後至卒哭其服同
矣以其反哭之時更無變服之文故知同也云婦人髻
及婦人笄者若未成服之時婦人髻無笄故空云髻成
服之後婦人髻即有笄故喪服斬衰婦人云箭笄檀弓
云南宮縚之妻之姑之喪夫子誨之髻蓋榛以為笄是
成服有笄明矣是以婦人成服云笄也云散帶垂者小
斂節大功以上男子皆然若小功以下及婦人無問輕
重皆初而絞之云如初朝夕哭門外位者但經直云即
位如初知如門外位者以下經始云主人拜賓入婦人
即位袒明知此未入門在門外如朝夕哭位也

婦人

不哭主人拜賓入即位袒注此不蒙如初者以男子入

門不哭也不哭者將有事止謹噐也音義袒音但謹火

反劉五疏注釋曰云此不蒙如初者以男子入門不哭

高反者案上篇朝夕哭云主人即位辟門婦人撫

心不哭主人拜賓旁三右還入門哭婦人踊此主人入

門不哭婦人不哭不踊故不得蒙如初也云將有事者

謂將有啓殯之事也商祝免袒執功布入升自西階盡階不升堂

聲三啓三命哭注功布灰治之布也執之以接神為有

所拂拭也聲三三有聲存神也啓三三言啓告神也舊

說以為聲噫興也今文免作絕音義

三息暫反疏注釋曰云

功布灰治之布也者亦謂七升以下之布也云執之以接神為有所拂拭也者拂拭猶言拂拭下經云商祝拂謂拂拭去凶邪之氣也云三有聲存神也用功布拂拭者亦云祝聲三鄭云警神也即此存神也云舊說以為聲噫興者鄭注曾子問云聲噫歆亦是舊說也燭入注炤徹與啓肆者疏注釋曰上云二燭此鄭云炤徹與啓肆則一燭入室中炤徹奠一燭於堂照開祝降與夏祝交于階下取銘置于重注祝降殯肆也

者祝徹宿奠降也與夏祝交事相接也夏祝取銘置于

重為啓肆遷之吉事交相左凶事交相右今文銘皆作

名音義

夏戶雅反祝之六反後皆放此重直龍反後放此

疏

釋曰此祝不言商夏則周祝也燭既

入室時周祝從而入室徹宿奠降降時夏祝自下升取
銘降置于重為妨啓殯故也注釋曰云祝降者祝徹宿
奠降也者謂昨暮所設夕奠經宿故謂之宿奠也此宿
奠擬朝廟所用即下云重先奠從者是也此奠所徹所
置之處雖不言案上篇大斂還小斂奠于序西南此亦
序西南可知云吉事交相左者則鄉射大射皆云降與
射者交於階下相左是也云凶事交相右者此凶事不
言交相左者以凶事反於吉明交相右可知交相右者
周祝降階時當近東夏祝升階當近西是交相右也云
今文銘皆作名者此銘及下陳明器云取銘置于茵二
者皆銘但銘書作踊無算主人也疏注釋曰下文云
名亦通一塗也踊無算主人也疏注釋曰下文云
無算當知開棺柩之時以其踊商祝拂柩用功布撫用
為哀號之已甚故知主人也

夷衾注拂去塵也覆之為其形露音義

撫火吾反

疏

釋曰

開柩已出是時棺南首夷衾本擬覆柩故斂時不用今得覆棺於後朝廟及入壙雖不言用夷衾又無徹文以覆棺言之當○遷于祖用軸注遷徙也徙於祖朝祖廟隨柩入壙矣

也檀弓曰殷朝而殯於祖周朝而遂葬蓋象平生時將出必辭尊者軸輶軸也軸狀如轉轄刻兩頭為輶輶狀如長牀穿枅前後著金而闕軸焉大夫諸侯以上有四

周謂之輶天子畫之以龍音義

輶九勇反轄音郝輶音紙著丁略反輶勅倫反

疏釋曰自此盡由足西而論以柩朝廟之事云遷于祖用軸者謂朝廟之時從殯宮遷移于祖廟朝時用輶軸載之案士喪禮將殯云棺入主人不哭升棺用軸則遷于祖時亦升輶軸於階上載之挽柩而下若然未升

饌陳之當在堂下是以下記云夷牀輿軸于西階東注云明階間者位近西夷牀饌于祖廟輿軸饌于賓宮而言階間明在堂下也注釋曰云檀弓曰殷朝而殯于祖者殷人將殯之時先朝廟訖乃殯至葬時不復朝也云周朝而遂葬者周人殯于路寢至葬時乃朝朝訖而遂葬引之者證經將葬朝祖之事云蓋象平生將出必辭尊者曲禮云出必告反必面是也案聘禮大夫將出聘告于禰乃行介無告禰之事故不得象之云輿軸軸也者下記云夷牀輿軸是也云輿狀如轉轉者此以漢法況之漢時名轉軸為轉轉輪也故士喪禮云升棺用輿注云輿軸輿也輿狀如牀軸其輪輓而行是以輪為轉也云刻兩頭為輿者以軸頭為輿刻軸使兩頭細穿入輿之兩輦前後二者皆然云輿狀如長牀穿輿前後著金而闔軸馬者此輿既云長如牀則有先後兩畔之木狀如牀輦厚大為之兩畔為孔著金釧於中前後兩畔皆然然後闔軸於其中言程者以其厚大可以容軸

故名此木為程也云大夫諸侯以上有四周謂之輜者大夫殯葬雖不用輜士朝廟用輶輶則大夫朝廟當用輜諸侯天子殯葬朝廟皆用輜但天子畫輶為龍謂之龍輜檀弓諸侯云輜天子云葭塗龍輜是也此輜皆有四周為輜故

重先奠從燭從柩從燭從主人從注行之

名為輜也

序也主人從者丈夫由右婦人由左以服之親疏為先後各從其昭穆男賓在前女賓在後音義從才用反後

疏釋曰此論發殯宮鄉祖廟之火序柩之前後皆有燭者以其柩車為隅恐闇故各有燭以昭道若至廟燭

在前者升炤正柩在後者在階下炤升柩故下記云燭先入者升堂東楹之南西面後入者西階東北面在下是也注釋曰云主人從者丈夫由右婦人由左以服之親疏為先後者經直云主人從者以主人為首者而言

故鄭總舉男子婦人并五服而言知男子由右婦人由左者以內則云道路男子由右女子由左鄭云地道尊右彼謂吉時此雖凶禮亦依之也云親疏為先後各從其昭穆者假令昭親則在先昭疏則在後就同昭穆之中又以年之大小為先後男從主人後女從主婦後云男賓在前女賓在後者謂無服者亦各從五服男子婦人之後

升自西階

注柩也猶用子道不由阼也疏

注釋曰云

猶用子道不由阼也者案曲禮云為人子者升降不由阼階今以柩朝祖故用子道不由阼也

奠俟于

下東面北上注俟正柩也疏

注釋曰既升階當正之於夷牀之北上首既正乃設

奠故云俟正柩也

主人從升婦人升東面衆人東即位注東方

之位疏

釋曰主人主婦從柩而升言婦人升東面不言主人西面舉主婦東面主人西面可知故下文

云主人西面也云衆人東即位者唯主人主婦升自正
衆主人以下從柩至西階下遂鄉東階下即西面位

柩于兩楹間用夷牀注兩楹間象鄉戶牖也是時柩北

首音義

鄉許亮反疏注釋曰云兩楹間象鄉戶牖也者以其

朝事之處父母神之所在故於兩楹之間北面鄉之若
言鄉戶牖則在兩楹間而近西矣故下記云夷牀軼軸
饌于西階東饌夷牀俟正柩而言西階東則正柩于楹
間近西可知矣云是時柩北首者既言朝祖不可以足
鄉之又自上以來設奠皆升自阼階今此下文設奠升
降皆自西階下鄭注云奠升不由阼階柩北首辟其足
以此而言此時主人柩東西面置重如初注如殯宮時
柩北首明矣

也疏

釋曰主人主婦從柩升即當西面東面鄉柩主婦
上文即言東面至此乃言主人西面者以其主婦

東面位不改故從柩升因言東面男子在柩東西面既改西面位故待正柩訖乃言西面也其重依上文序從之時重先不先置者以其上待正柩訖乃置之云如初者亦如上篇三分庭一在南二在北而置之故鄭云如殯宮時也

席升設于柩西奠設如初巾之升降自西階注席

設于柩之西直柩之西當西階也從奠設如初東面也不統於柩神不西面也不設柩東東非神位也巾之者

為禦當風塵音義

中如字劉居觀反

疏

釋曰此論設宿奠於柩西注釋曰云席設于柩

之西直柩之西當西階也者知當西階以其柩當戶牖之南席北鋪之自然當西階之上云從奠設如初東面也者謂如殯宮朝夕奠設于室中者從柩而來此還是彼朝夕奠脯醢醴酒據室中東面設之於席前也云不

統於柩神不西面也者謂不近柩設奠若近柩則統於柩為神不西面故不近東統於柩知神不西面者特牲少牢皆設席於奧東面則天子諸侯亦不西面可知云不設柩東東非神位也者此亦據神位在奧不在東而言也若然小斂奠設于尸東者以其始死未忍異於生大斂以後奠皆設于室中亦不統於柩此奠不設于室者室中神所在非奠死者之處故也云巾之者為禦當風塵者案禮記檀弓云喪不剝奠也與祭肉也與據小斂大斂之等也有牲肉故不裸露故巾之以此宿奠脯醢醴酒無祭肉巾之者以朝夕奠在室不巾此雖無祭肉為在堂風塵故巾之

主人踊無算降拜賓即位踊襲

主婦及親者由足西面注設奠時婦人皆室戶西南面奠畢乃得東面親者西面堂上迫疏者可以居房中疏

釋曰云降拜賓即位踊襲者賓謂在殯宮看主人閒殯朝祖之賓襲者主人從殯宮中降拜賓入即位袒至此乃襲襲者先即位踊踊訖乃襲經于序東注釋曰云設奠時婦人皆室戶西南面奠畢乃得東面者知婦人戶西南面案下記云將載柩祝及執事舉奠戶西南面東上則知此設之時婦人辟之亦戶西南面待設奠訖乃由柩足鄉柩東西面不即鄉柩東西面者以主人在柩東待設奠訖主人降拜賓婦人乃得東也若然云親者西面則大功以上相隨向西面也又云堂上迫䟽者可以居房中者以其言親者西面明䟽者小功以下不得堂上西面為堂上迫狹
○薦車直東榮北
朝注薦進也
自然在房中西面矣

進車者象生時將行陳駕也今時謂之覘車朝轅也車

當東榮東陳西上於中庭音義

朝竹

疏

釋曰自此盡還求反出論薦車馬設

遷祖奠之事薦車者以明旦將行故豫陳車注釋曰云進車者象生時將行陳駕也者案曲禮云若車將駕則僕執策立於馬前已駕僕展軔是生時將行陳駕今死者將葬亦陳車象之也云今時謂之鬼車者鄭舉漢法況之以其神靈在焉故謂鬼車也云輶輅也者周禮考工記有輶人為輶輶亦謂之輶故云輶輅也云車當東榮東陳西上於中庭者此車既非載柩之車即下記云薦陳車道車豪車以次言之則先陳乘車次陳道車次陳豪車知東陳西上者下云陳明器于乘車之西明器繼乘車而西明乘車在上已東有道車豪車故知三者西上也乘車既當東榮則三者不當中庭而云中庭者據南北之中庭不據東西為中庭也何者以下經云薦馬入門三分庭一在南馬右還出薦馬者當車南在庭近南明車近北當中庭矣

質明滅燭注

質正也疏

釋曰自啓殯至此時在殯宮在道及祖廟皆有二燭為明以尚早故也今至正明故滅燭

也徹者升自阼階降自西階注徹者辟新奠不設序西

南已再設為褻疏

注釋曰云新奠者謂遷祖之奠將設新故徹去從奠以辟新奠也云不設

序西南已再設為褻者謂徹從奠不設于序西南為再設褻蹟故不設也其再設者啓殯前夕時一設至此朝

廟又設是再設也

乃奠如初升降自西階注為遷祖奠也奠升

不由阼階注北首辟其足疏

注釋曰云為遷祖奠也者謂遷柩朝祖之奠也云如

初者亦於柩西當階之上東面席前為之則同具饌則異以其上三鼎及東方饌皆大斂之奠是也云奠升不由阼階注柩北首辟其足者以前大斂小斂及朝奠皆升自阼階降自西階注今此遷祖奠升不由阼階故云辟足辟足者以其來往不可由首又飲食之事不可褻之由足故升自西階也若然徹時所以由足者奠畢去之由

足無嫌也

主人要節而踊注節升降疏

注釋曰云節升降者莫升時主人踊降時

婦人踊由重南主人踊此不言婦人文不具也

薦馬纓三就入門北面交轡圉

人夾牽之注駕車之馬每車二匹纓今馬鞅也就成也

諸侯之臣飾纓以三色而三成此三色者蓋條絲也其

著之如屬然天子之臣如其命數王之革路條纓圉人

養馬者在左右曰夾既奠乃薦馬者為其踐汚廟中也

凡入門參分庭二在南音義

鞅於丈反條他刀反屬九例反疏釋曰薦

纓者纓為馬飾故與馬同時薦之案下記云薦乘車又云纓轡貝勒縣于衡又云道車載朝服橐車載簾笠注

云道車橐車之纓轡及勒亦縣于衡也若然薦車之時
纓縣于衡此薦馬得有纓者以薦車時縣于衡至此薦
馬時又取而用之故兩見之也注釋曰云駕車之馬者
即上文薦車之馬也云每車二匹者下經云公貽兩馬
士制也故知此車有三乘馬則六匹矣云纓今馬鞅也
者古者謂之纓漢時謂之鞅故舉漢法為況也云諸侯
之臣飾纓以三色而三成者以此下士薦馬纓三就則
不依命數則大夫亦同三色知者案巾車上公纓九就
侯伯纓七就子男纓五就諸侯之臣不得與子男同五
就故知與士同三就此三色則如聘禮記三色朱白蒼
也云此三色者蓋條絲也者謂以絲為條無正文故云
蓋以疑之云著之如屬然者鄭注巾車云玉路之樊及
纓皆以五采屬飾之十二就其下金路九就象路七就
注皆云五色屬飾之此則三采絲為條飾之但著之則
同故云其著之如屬然也云天子之臣如其命數者案
典命云三公八命其卿六命大夫四命出封皆加一等

命數雖卑於諸侯以王人雖微猶序諸侯之上故得與同依命數就依命數其色則無過五采屬以其金路以下與諸侯其飾與王同諸侯之臣既同三色明天子大夫已上亦五采屬與諸侯同但天子之士三命以下不得依命少於諸侯之臣當同色與諸侯之臣同矣若然公之孤四命以降於天子大夫宜與三卿同三色也云王之革路條纓者王革路木路不用屬而用繅絲為纓與此纓三色者同故引為證也云圉人養馬者案周禮校人職云乘馬一師四圉是圉人以養馬以其養馬故使之薦也云在左右曰夾者以車三乘馬則六匹每馬二人交轡牽之故云在左右曰夾云既奠乃薦者為其賤汚廟中者車馬將祖之物前薦車在奠上今此薦馬在奠後者欲其既薦即出恐踐汚廟中故後薦之也云凡入門參分庭一在南者大禮陳事在庭分為三分一分在北則繼堂而言一分在南則繼門而言此既繼門故云三分庭一在南又不言門左門右則當門之北矣

御者執策立于馬後哭成踊右還出注主人於是乃哭

踊者薦車之禮成於薦馬疏

注釋曰云主人於是乃哭踊者薦車之禮成於薦馬

者以其車得馬而成故前薦車時主人不哭踊至薦馬乃哭是由車成於薦馬故也主人哭踊訖馬則右還而
出右者亦賓出主人送于門外○有司請祖期注亦因

在外位請之當以告賓每事畢輒出將行而飲酒曰祖

祖始也疏

釋曰自此盡屬引論祖時飾柩車之事此賓即上來弔主人啓殯者朝廟事畢而出主人

送之注釋曰云亦因在外位請之者上既夕哭訖因外位請啓期故云亦也此經不言告賓知告賓者若不告賓時至則設何須請啓故知擬告賓故云當以告賓也
云每事畢輒出者有司請期之禮每皆待事畢因主

人出在外位乃請之言每事者篇首云請期此云請祖期下文請葬期皆因出在外位請之故云每事也云將行而飲酒曰祖祖始也者案詩有韓侯出祖出宿于屠顯父餞之清酒百壺又云出宿于涉飲餞于禰皆是將行飲酒曰祖此死者將行亦曰祖為始行故曰祖也

曰日側注側映也謂將過中

之時音義

映大

疏

注釋曰此主人辭以上文有司請主

側亦為特義轉為是者取差跌之義故從是也云過中之時者則尚書無逸云文王至於日中是是即側也

○主人入袒乃載踊無算卒束襲注袒為載變也舉柩

卻下而載之束束棺於柩車賓出遂匠納車于階間謂

此車疏

注釋曰云袒為載變也者將載主人先祖乃載故云為載變也云乃舉柩卻下而載之者卻猶

却也鄉柩在堂北首今卻下以足鄉前下堂載於車故謂之為卻也云東東棺於柩車者案禮記喪大記云君蓋用漆三衽三束檀弓曰棺束縮二橫三彼是棺束此經先云載下乃云卒束則束非棺束是載柩訖乃以物束棺使與柩車相持不動也云賓出遂匠納車於階間此謂此車者案下記云既正柩賓出遂匠納車於階間此經不辨納車時節故鄭明之

降奠當前束注下遷祖之奠也當前束

猶當尸轔也亦在柩車西東有前後也疏

釋曰卒束乃云降奠則未

束以前其奠使人執之待束訖乃降奠之當束也注釋曰云當前束猶當尸轔也者下記云即牀而奠當轔彼在尸東此在柩車西當束束亦當轔故取而言也云束有前後也者以經既言前束則有後束可知故云有前後

○商祝飾柩一池紐前經後緇齊三采無貝注飾柩

為設牆柳也巾奠乃牆謂此也牆有布帷柳有布荒池者象宮室之承雷以竹為之狀如小車苓衣以青布一池縣於柳前士不揄絞紐所以聯帷荒前赤後黑因以為飾左右面各有前後齊居柳之中央若今小車蓋上韃矣以三采繒為之上朱中白下蒼著以絮元士以上

有貝音義

紐女九反韃丑貞反齊如字劉才計反注同雷力又反苓力丁反衣於既反縣音懸揄音

遙絞戶交反

疏

釋曰此竝飾車之事其樞車即周禮蜃車也四輪迫地其輦亦狀如長牀兩畔

豎鈴子以惟統之上以荒一池縣於前面荒之上中央加齊注釋曰云飾樞為設牆柳也者即加帷荒

是也云中奠乃牆下記文鄭引之者以此經直云飾柩不言設牆時節故記人辨之以中覆奠乃牆謂此飾柩者也云牆有布帷柳有布荒者案喪大記云飾棺若龍帷黼荒大夫盡惟盡荒士布帷布荒鄭注云布帷布荒者白布也君大夫如文章焉此注牆柳別案喪大記注又云在旁曰帷在上曰荒皆所以衣柳也則帷荒總名為柳案縫人云衣袞柳之材鄭注必先纁衣其木乃以張飾也柳之言聚諸飾之所聚若然對而言之則帷為牆象宮室有牆壁荒為柳以其荒有黼黻及齊三采諸色所聚故得柳名總而言之皆得為牆中奠乃牆及檀弓云周人牆置袞皆牆中兼有柳縫人衣袞柳之材柳中兼牆矣鄭注喪大記云荒蒙也取蒙覆之義云池者象宮室之承雷以竹為之者生人宮室以木為承雷仰之以承雷水死者無水可承故用竹而覆之直取象平生有而已云狀如小車苓衣以青布者此鄭依漢禮而言云一池縣於柳前者案喪大記君三池大夫二池士

一池君三池三面而有大夫二池縣於兩相士一池縣於柳前而已云士不掄絞者案雜記云大夫不掄絞屬於池下掄者依爾雅釋鳥云江淮而南青質五采皆備成章曰鵠絞者倉黃之色則人君於倉黃色繒上又畫鵠雄之形縣于池下大夫則闕之故云大夫則不掄絞屬於池下掄絞一名振容故喪大記云大夫不振容振容者車行振動以為容儀但大夫不振容池下仍有銅魚縣之士不但不掄絞又無銅魚故喪大記大夫有魚躍拂池士則無鄭注云士則去魚云左右面各有前後者樞車左右以有惟分兩相各為前後故云前經後緇云齊居柳之中央者雖無正丈以其言齊若人之齊亦居身之中央也云若今小車蓋上韃矣者漢時小車蓋上有韃在蓋之中央故舉以為說云以三采繒為之上朱中白下蒼者案聘禮記云三采朱白蒼彼據繒藉用三采先朱次白下蒼此為齊用三采亦當然故取以為義也云著以絮者既云齊當人所覩見故知以絮著

之使高知元士以上有貝者案喪大記云君齊五采五
貝大夫齊三采三貝士齊三采一貝鄭注云齊象車蓋
縫合雜采為之形如瓜分然綴貝落其上及旁是彼
士為天子元士元士已上皆有貝也此諸侯之士故云
也無貝

設披注披絡柳棺上貫結於戴人居旁牽之以備
傾喪大記曰士戴前纁後緇二披用纁今文披皆為藩

音義

披彼

疏

注釋曰

云披

絡柳

棺上

貫結

於戴

者案

喪

大記

義反大記注云戴之言值也所以連繫棺束與
柳材使相值因而結前後披也此注云披絡柳棺上貫
結於戴以此而言則戴兩頭皆結于柳材又以披在棺
上絡過然後貫穿戴之連繫棺束者乃結于戴餘披出
之於外使人持之一畔有二為前後披故下記云執披
者旁四人注云前後左右各二人是也人君則三披各
三人持之備傾虧也引喪大記者證披連戴而施之也

云二披用纁者與歲所用異大夫與人君則戴與披用物同故喪大記云君纁戴六纁披六大夫戴前纁後玄披亦如之是其用物同也云今文披皆為藩者言皆者此文披及下文商祝御柩執披并下記執披者三字皆為藩今不屬引注屬猶著也引所以引柩車在軸轡曰從之也

紼古者人引柩春秋傳曰坐引而哭之三疏

注釋曰云引所以引

柩車者引謂紼屬著於柩車云在軸轡曰紼者士朝廟時用軸大夫以上用輶故并言之言紼見純體言引見用力故鄭注周禮亦云在車曰紼行道曰引云古者人引柩者雜記乘人專道而行又云諸侯五百大夫三百皆是引人也言古者人引對漢以來不使人引也引春秋者案定公九年左氏傳云齊侯伐晉夷儀敝無存死之齊侯與之犀軒而先歸之坐引者以師哭之親推之三注云坐而飲食之此鄭略引之云坐引者亦謂飲

食之而哭之三者亦謂公親推之也引之者證古者人引也○陳明器於乘車之西

注明器藏器也檀弓曰其曰明器神明之也言神明者

異於生器竹不成用瓦不成味木不成斲琴瑟張而不

平竽笙備而不和有鐘磬而無筭虞陳器於乘車之西

則重之北也音義

乘繩證反注及下注乘車同味武葛反劉音妹虞音巨

疏

注釋曰云

明器藏器也者自筭以下皆是藏器故下云器西南上

靖又云茵注云茵在坑木上陳器次而北也則自苞筭

以下總曰藏器以其俱入壙也引檀弓者案彼注成猶

善也竹不可善用謂遵無膝味當作沫沫噴也又云琴

瑟張而不平竽笙備而不和注云無宮商之調又云有

鐘磬而無筭虞注云不縣之也橫曰筭植曰虞云陳器

乘車之西則重之北者無正丈上薦車云直東榮繼廟屋而言上注云中庭不得云近北明車近不在重東今陳於乘車之西

折橫覆之注折猶廢也方鑿連木為之

明重北可知
蓋如牀而縮者三橫者五無簀窆事畢加之壙上以承抗席橫陳之者為苞窆以下紵於其北便也覆之見善

面也音義

折之設反後皆同廢九委反窆彼驗反紵側耕反見賢遍反

疏

注釋曰云折橫覆之

者鄭云蓋如牀則加於壙上時南北長東西短今經云橫明知其長者東西陳之言覆之見善面則折加於壙時擬鄉上看之為面故善者鄉下今陳之取鄉下有之故反覆善面鄉上也云折猶廢也者以其窆畢加之於壙上所以承抗席若廢藏物然故云折猶廢也云方鑿連木為之蓋如牀而縮者三橫者五無簀者此無正丈

以經云橫覆之明有縱對之既為縱橫即知有長短廣狹以承抗席故為如牀解之又知縮者三橫者五亦約茵為抗木但於壙口承抗席宜大於茵與抗木故知縮三橫五也知無竇者以其縮三橫五以當竇處故無竇也知寔事畢加之壙上以承抗席者下葬時寔事畢乃加折卻之加抗席覆之是折寔事畢加之壙上承抗席也云橫陳之者為苞筭以下綰於其北便也者鄭解折不縮者不南北順陳而橫陳之意為折橫陳則東西廣是以苞筭陳

抗木橫三縮二注抗禦也所以禦止土者

其橫與縮各足掩壙音義

抗苦浪反劉音剛後同

疏

注釋曰云所以禦止土者

以其在抗席之上故知以禦土也其橫與縮各足掩壙者以其壙口大小雖無丈但明器之等皆由美道入諸度已上又有輜車亦由美道入壙口唯以下棺則壙口大小容棺而已今抗木亦足掩壙口也加抗席

三注席所以禦塵疏

釋曰既陳抗木於折北又加此抗

折上者以抗木直言橫三縮二不言加明別陳於折北
抗木之下而此云加如於抗木之上可知抗席之下而
云加茵明又加於抗席之上此三者以後陳者先用故
先陳抗木於上次陳抗席而後陳茵先用取後陳於上
者便故也是以下文及葬時茵先入壙窆事訖加折壙
上則先用抗席後用抗木是其次也若然折於抗席前
用而不加於抗席之上者以長大故別陳於南用之仍
在茵後其茵用之在明器前入而陳之於明器上者以
其同葬具故與抗木同陳於上也但抗席茵相重陳者
以其入壙時相當又皆是縱橫重累之物故重加陳之
也注釋曰云席所以禦塵者上云抗木所以禦土此抗
席云禦塵者以此二者在壙口以上承塵但抗木在上
故云禦土抗席在下隔抗木慮有塵
鄉下故云禦塵是以釋之有異也

加茵用疏布緇翦

有幅亦縮二橫三注茵所以藉棺者翦淺也幅緣之亦

者亦抗木也及其用之木三在上茵二在下象天三合

地二人藏其中焉今文翦作淺音義

茵音因 疏釋曰云加

茵加於抗席之上此說陳器之時云用疏布者謂用大功疏麤之布云緇翦者緇則七八黑汁為緇翦淺也謂染為淺緇之色言有幅者案下記云茵著用茶實綬澤焉此鄭注云有幅緣之者則用一幅布為之縫合兩邊幅為袋不去邊幅用之以盛著也故云有幅也注釋曰云茵所以藉棺者下葬時茵先入屬引乃寔則茵與棺為藉故先入在棺之下也鄭云幅緣之者蓋縫合既訖乃更以物緣此兩邊幅縫合之處使之牢固不拆壞因為飾也云亦者亦抗木也者抗木云縮二橫三此亦縮二橫三故知亦者亦抗木也云及其用之木三在上茵

二在下故上抗木先云橫三後云縮二此茵先云縮二後云橫三竝據此陳列之時鄭據入壙而言故云其用之也木三在上茵二在下各據一邊而言其實皆有二三云象天三合地二者渾天言之則地之上下內外周匝皆有天若然云木二則在下及其用之則茵三在下茵二在上以此而言木與茵皆有天三合地二又云人藏其中焉者亦謂渾天而言上下俱有天地人尸柩藏其中故說卦云參天兩地又云立天之道立地之道立人之道為器西南上綰注器目言之也陳明器以西行三才也

南端為上綰屈也不容則屈而反之音義

綰側耕反疏注釋曰云

器目言之也者器與下為目即下文苞以下是也

茵注茵在抗木上陳器次而

北也疏

注釋曰茵非明器而言之者陳器從此茵鄉北為次第故言之故鄭云茵在抗木上陳器次而

北是也

苞二注所以裹奠羊豕之肉疏

注釋曰下文既設遺奠而云苞牲取

下體故知苞二所以裹奠羊豕之肉也

筭三黍稷麥注

筭黍稷麥注筭黍稷麥注

蓋與簋同一轂也音義

音義 籒音本轂音斛劉戶角反

疏

釋曰案下記云管筭三則筭以

管草為之筭三各盛一種黍稷麥也注釋曰云筭黍稷類也者舊說云春器所以盛種此筭與春盛種同類故舉以為况也云其容蓋與簋同一轂也者案考工記板人為簋實一轂又云豆實三而成轂案昭三年晏子云四升曰豆豆實三而成轂則轂受斗二升此筭與簋同盛黍稷知受一轂斗二升約同之無正文故云蓋以疑也

之鑿三醯醢肩冪用疏布注鑿瓦器具容亦蓋一轂肩

薑桂之肩也內則曰肩桂與薑冪覆也今文冪皆作密

音義

蟄鳥弄反 霽亡狄反 本又作霽

疏

注釋曰云蟄瓦器者以蟄與甌等字從缶瓦故知是瓦器云其

容亦蓋一穀者聘禮記致饗餼云蟄十二升則此蟄約同之故云蓋以疑之也知肩是薑桂者以其與內則肩桂與薑同云肩故

甌

二醴

酒霽用功布

注

甌亦瓦器古

文甌皆作無音義

甌亡甫反 注無音同

疏

注釋曰謂二者所盛須繼甌三而陳之言亦瓦

器承上
也

皆木桁久之

注桁所以度芭筭甌也久當為

灸灸謂以蓋案塞其口每器異桁音義

桁戶庚反又戶郎反久依注音

灸

疏

釋曰云皆木桁久之者則自芭筭以下皆塞之置於木桁也若然既皆久塞而甌獨云霽者以其

芭筭之等燥物宜芭塞之而無霽甌溼物非直久塞其口又加霽覆之注釋曰云久當為灸灸謂以蓋案塞

其口者此亦如上設重鬲亦與之同故讀從灸也
云每器異析者以其言皆木析故知每器別析也
用器

弓矢耒耜兩敦兩杆槃匱匱實于槃中南流注此皆常

用之器也杆盛湯漿槃匱盥器也流匱口也今文杆為

梓音義

敦音對劉又都愛反杆音于本又作疏
注釋曰

之器弓矢兵器耒耜農器敦杆食器
槃匱洗浴之器皆象生時而藏之也
無祭器注士禮略

也大夫以上兼用鬼器人器也疏

注釋曰知大夫以上
兼用鬼器人器也者

案檀弓云宋襄公葬其夫人醯醢百甕曾子曰既曰明
器矣而又實之注云言名之為明器而與祭器皆實之
是飢鬼器與人器以此而言則明器鬼器也祭器人器
也士禮略無祭器室有明器而實之大夫以上尊者備

故兩有若兩有則實祭器不實明器宋襄公既兩有而并實之故曾子非之

有燕樂器可也

注與賓客燕飲用樂之器也疏

釋曰言可者許其得用故云可也注釋曰云與

賓客燕飲用樂之器也者則升歌有琴瑟庭中有特縣縣磬也

役器甲冑干竿注此皆

師役之器甲鎧冑兜鍪干楯竿矢箛音義

箛則白反矢箛也鎧苦代

反兜丁侯反鍪音牟

疏

釋曰此役器中有干竿無弓矢示不用故不具上用器是常用

之器故具陳之也注釋曰云甲鎧冑兜鍪者古者用皮故名甲冑後代用金故名鎧兜鍪隨世為名故也但上

下役用之器皆麤沽為之故下記云弓矢之新沽功注云設之宜新沽示不用弓矢云沽餘雖不言皆沽可知

也但此竿是送死之具下記云薦乘車鹿淺幣千竿革鞅者是蒐車所載象生者與此別也

燕器杖

筮翣注燕居安體之器也筮竹簠蓋也翣音義

立筮音

所甲反

疏

注釋曰云燕居安體之器也者以杖者所以

扶身筮者所以禦暑翣者所以招涼而在燕

居用之故云燕居安體之器也云筮竹簠蓋也者簠竹青之皮以竹青皮為之

○徹奠巾席俟

于西方主人要節而踊注巾席俟於西方祖奠將用焉

要節者來象升丈夫踊去象降婦人踊徹者由明器北

西面既徹由重南東不設於序西南者非宿奠也宿奠

必設者為神馮依之久也疏

釋曰自此盡入後位論還車為祖奠之事此徹還祖

奠者為將還還車更設祖奠注釋曰云巾席俟於西方祖奠將用焉者以下經云祖還車還車訖布席設祖奠

則布此巾席也故巾席俟祖奠在西方也云節者來象
升丈夫踊去象降婦人踊者案上篇徹小斂大斂奠時
皆升自阼階丈夫踊降自西階婦人踊今奠在庭無升
降之事直有往來經云要節而踊明來象升丈夫踊去
象降婦人踊但此經直云主人要節知有婦人亦踊者
以下經徹祖奠時云徹者入丈夫踊設于西北婦人踊
注云猶阼階升時也徹設於柩車西北亦猶序西南是
男子婦人並有踊文則知此要節踊內亦無婦人也云
徹者由明器北西面既徹由重南東者凡奠於堂室者
皆升自作階降自西階奠於庭者亦由重北東方來陳
由重北而西徹訖由重南而東象升自作階降自西階
也但設奠於柩車西而東面則徹者由奠東而西面徹
之也云不設於序西南者非宿奠也者以其大斂小斂
奠及夕奠乃皆經宿故皆設之於序西南為神馮依此
遷祖奠旦始設之今日側徹之未
經宿即徹故不設於序西南也

袒注為將祖變疏釋注

曰下經商祝御柅乃祖是將
祖故此主人袒袒即變也

商祝御柅注亦執功布居

前為還柅車為節音義

還劉音惠

疏

釋曰云商祝御柅者謂居柅車之前却行詔傾

躬使執披人知其節度注釋曰云亦執功布者下經
商祝執功布以御柅執披故此亦如之而執功布

乃

祖注還柅鄉外為行始疏

注釋曰商祝既執功布為御乃還柅車使轅鄉外也祖者

始也為行始去
載處而已也

踊襲少南當前束注主人也柅還則當

前束南疏

釋曰前袒為袒變今既袒訖故踊而襲注釋曰云主人也者前袒是主人則此襲亦主人

也經云少南鄭云則當前束南者以其車未
還之時當前束近北今還車亦當前束少南婦人降即

位于階閒注為柅將去有時也位東上疏

釋曰婦人降者以柅還鄉

外階閒空故婦人從堂上降在階注釋曰云為極將
去有時者去有時即明旦遣奠行之時是也今此為行
始也云位東上者以堂上時婦人在阼階西面統於堂
下男子今極車南還男子亦在車東故婦人降亦東上
統于男子也婦人不鄉車西者祖還車不還器注祖有
以車西有祖莫故辟之在車後

行漸車亦宜鄉外也器之陳自己南上疏

注釋曰祖還車者為載時

鄉北今為行始故須還鄉南故鄭云祖有行漸車亦宜
鄉外也不還器者鄭云器之陳自己南上南上者即上
文茵下注云茵在抗木上陳器次而北是也

祝取銘置于茵注重不藏故於

此移銘加於茵上疏

注釋曰初死為銘置于重啟殯祝取銘置于重祖廟又置于重今將

行置于茵者重不藏擬埋于廟門左茵是入壙之物銘
亦入壙之物故置于茵也是以鄭云重不藏故於此移

銘加於茵上也士無厭旌唯有乘車所建攝盛之稱并此銘旌而已大夫以上有厭旌通此二旌則皆備三旌

也

二人還重左還注重與車馬還相反由便也疏

注釋曰云

重與車馬還相反由便也者以車馬至中庭之東以右還鄉門為便重在門內面鄉北人在其南以左還鄉門為便是以二者雖相反各由其便

布席乃奠如初主人要節而踊注車

已祖可以為之奠也是之謂祖奠疏

釋曰云主人要節而踊者祖奠既與

遷祖奠同注釋曰云車已祖可以為之奠也者奠本為柩祖奠同注釋曰云車已祖可以為之奠也者奠本為柩設其柩未安不得設奠今車既還名之為祖尸柩已定可以為奠也云是之謂祖奠者下記云祝饌祖奠于主

人之南是謂之祖奠

薦馬如初注柩動車還宜新之也疏

注釋曰上已薦

馬今又薦馬者以柩車動而鄉南為行始宜新之故薦馬如初也

賓出主人送○有司

請葬期注亦因在外位時疏

注釋曰云亦因在外位時者亦上啓期祖期事畢在

外位故此亦因事畢出在外位時請葬期也

入復位注主人也自死至於殯

自啓至於葬主人及兄弟恒在內位疏

注釋曰云主人也者以其送賓

據主人今送賓訖入復位明主人也云自死至於殯自啟至於葬主人及兄弟常在內位者自死至於殯在內位據在殯宮中自啓至於葬在內位據在祖廟中處雖不同在內不異故總言之云在內位者始死未小斂已前位在尸東小斂後位在阼階下若自啓之後在廟位亦在阼階下也

○公賁玄纁束馬

兩注公國君也賁所以助主人送葬也兩馬士制也春

秋傳曰宋景曹卒魯季康子使冉求贈之以馬曰其可

以稱旌繁乎音義

贈芳鳳反車馬疏釋曰自此盡入復曰贈繁步干反

之事注釋曰云公國君也者公及大夫皆有臣臣皆尊其君呼之曰公故左氏傳伯有之臣曰吾公在壑谷今此云公則國君非大夫君也以下云主人釋杖迎于廟門外與喪大記如此迎送者皆據國君也云贈所以助主人送葬也者案兩小傳皆云車馬曰贈施于生及送死者故云助主人送葬者也是以下注云贈奠於死生兩施是也云兩馬士制也者制謂士在家常乘之法若出使及征伐則乘駟馬其大夫以上則常乘駟馬故鄭駁異義云天子駕駟尚書康王之誥康王始即位云諸侯皆布乘黃朱詩曰駟驪彭彭武王所乘魯頌云六轡耳耳僖公所乘小雅云駟牡駢駢大夫所乘是大夫以上駕駟之文也引春秋者左氏傳哀公二十三年春宋

景曹卒注云景曹宋元公夫人小邾女季桓子外祖母又云季康子使冉有弔且送葬曰敝邑有社稷之事使肥與有職競焉是以不得助執紼使求從與人注云與衆也又云曰以肥之得備彌甥也注云彌遠也康子父之舅氏故稱彌甥又云有不腆先人之產馬使求薦諸夫人之宰其可以稱旌繁乎注云稱舉也繁馬飾繁纓也引之者證公有贈馬助人之事

擯者出請入告主人釋杖迎于廟門

外不哭先入門右北面及衆主人袒注尊君命也衆主

人自若西面疏

注釋曰云尊君命也者謂釋杖迎入是尊君命也故下文賓賁擯者出告須注

云不迎則此經皆是尊君命鄭無所指屬故以尊君命解經不哭又前文袒襲皆據主人此則衆主人亦袒亦是尊君命云衆主人自若西面者以其主人一人迎賓入門門東而右其餘衆主人不迎賓明自若常位振東

西面可知也

馬入設注設於庭在重南疏

注釋曰以馬是庭實故云設於庭知

在重南者以庭實法皆三分庭一在南設之又重北陳明器不得設馬故知在重南也

賓奉幣由

馬西當前輅北面致命注賓使者幣玄纁也輅輅縛所

以屬引由馬西則亦當前輅之西於是北面致命得鄉

柅與奠柅車在階間少前三分庭之北輅有前後音義

輅音

疏

注釋曰云賓使者即士也知者士喪禮君使人弔注使人士也禮使人各以其爵故知是士也

云輅輅縛所以屬引者謂以木縛於柅車輅上以屬引於上而挽之故名輅縛也云由馬西則亦當前輅之西者以經直云當前輅不言輅之東西及前後鄭以義言之以其馬在重南當門柅車在階間少南亦當門賓由

馬西北行當前輅致命明在輅西可知云於是北面致命得卿輅與奠者以賓當輅西經云北面致命明當奠輅之南北面是得卿輅與奠也云輅車在階閒少前三分庭之北者案下記云遂匠納車于階閒是輅車在階閒也云少前者上經祖還車訖云少南婦人降即位于階閒明輅車少南是少前也云三分庭之北者以其中庭陳明器不得在中庭故知在三分庭之北謂三分庭在北分之北此解賓致命之處云輅有前後者以經云前輅明有後以對前故知輅有前後也

主人哭拜稽顙成踊賓奠幣于棧

左服出注棧謂輅車也凡士車制無漆飾左服象授人

授其右也服車箱今文棧作輓音義

奠如字劉音定棧士板反劉才產反

注輓疏釋曰主人哭拜者仍於門右北面以賓致命訖同遂哭拜也云成踊者三者三凡九踊注釋曰云

棧謂柅車也凡士車制無漆飾者此棧車即柅車以其
賓由輅西而致命云奠幣於棧者明此棧車柅車即蜚
車四輪迫地無漆飾故言棧也云左服象授人授其右
也者按聘禮宰授使者主時云同面使者在左宰在右
而授其右也此車南鄉以東為左尸在車

宰由主人之

北舉幣以東注柅東主人位以東藏之疏

注釋曰云柅東主人位者

解經由主人之北以幣在車東主人在車東故宰由主
人位北而鄉左服上取幣以東藏之於內也但此時主
人仍在門東北面此位雖無主人既有定位故宰由
位北而取幣不得履主人之位故由主人之北也

士

受馬以出注此士謂胥徒之長也有勇力者受馬聘禮

曰皮馬相間可也疏

注釋曰云此士謂胥徒之長也有
勇力者受馬不得為屬士者以其

受幣者宜尊受馬者宜卑故知受馬是胥徒之長以其受馬故知有勇力者也若然昏禮記云士受皮注云士謂中士下士不為胥徒者彼主人親受幣明受皮非胥徒是正士也引聘禮者欲見此用皮亦可也

主人

送于外門外拜襲入復位杖

注釋曰主人既送賓還入廟門車東復位杖也

○賓贈者將命注賓卿大夫士也疏

釋曰自此盡知生者賄論賓及兄弟

賄奠之事注釋曰云賓卿大夫士也者以其上云君下有兄弟則此賓是國中三卿五大夫二十七士可知言將命者身不來遣使者將命告主人

擯者出請入告出告須注不迎告曰

孤某須疏

注釋曰案雜記諸侯使卿弔鄰國諸侯主人使擯者告賓云孤某須矣故引之為義

馬

入設賓奉幣擯者先入賓從致命如初注初公使者主

人拜于位不踊注柩車東位也既啓之後與在室同疏

注釋曰云既啓之後與在室同者集上篇始死時云庶兄弟從使人以將命于室主人拜于位此主人亦拜于位俱是不為賓出故云與在室同至于有君命亦出迎矣賓奠幣如初舉幣受馬如

初擯者出請注賓出在外請之為其復有事疏注釋曰云賓出

在外請之為其復有事者以其賓既行贈訖出更請之為其復有事若無事賓報事畢遂去也若奠注賓致可以奠也疏注釋曰謂賓釋辭以此所致之物或可堪為奠於祭祀者也入告

出以賓入將命如初士受羊如受馬又請注士亦謂胥

徒之長又復也疏注釋曰以其受羊與馬同是畜類故知亦胥徒之類但受羊不須勇力故

鄭不言也

若賻注賻之言補也助也貨財曰賻音義

賻音附

疏

注釋曰云貨財曰賻者公羊傳文也

入告主人出門左西面賓東面將命

注主人出者賻主施於主人疏

注釋曰鄭知施於主人者以下經云知生者賻

是施於主人也案春秋文五年春王使榮叔歸含且賻傳譏一人兼二事此賓所以兼事者彼譏一人獨行不與介各行故譏若雜記云上客弔即其介各行含賻賻則不譏則卿大夫士禮一人行數事可也

主人

拜賓坐委之宰由主人之北東面舉之反位注坐委之

明主人哀戚志不在受人物反位反主人之後位疏

注釋

曰鄭知反位反主人之後位者以主人在門東西面而云宰由主人之北鄉賓奠幣之處舉幣明宰位在主人

之後故得由主人之北西行
是以宰位在主人之後也

若無器則梧受之注謂對

相授不委地音義

梧五疏注釋曰以堂上授有竝受法故反疏以其在門外若有器盛之則

坐委於地若無器則對面相授受故云梧受之梧即逆也對面相迎受也

又請賓告事畢拜

送入○贈者將命注贈送擯者出請納賓如初注如其

入告出告須疏

注釋曰謂如上賓賄時擯者出請入告出告須也

賓奠幣如初

注亦於棧左服若就器則坐奠于陳注就猶善也贈無

常惟翫好所有陳明器之陳音義

陳如字劉直各反下同

疏

注釋曰知

贈無常者案下記云凡贈幣無常注云賓之贈也玩好曰贈在所有言玩好者謂生時玩好之具與死者相知

皆可以贈死者故此經云若就器則坐奠于陳者就器則是玩好之器也云陳明器之陳者以其廟中所陳者唯明器即陳于車之西以外或言薦或言設無言陳者故指明器而言也凡將禮必請而后

拜送注雖知事畢猶請君子不必人意疏

注釋曰云君子不必人意

者義取孔子云無必無固之言也

兄弟贈奠可也注兄弟有服親者可

且贈且奠許其厚也贈奠於死生兩施疏

注釋曰知兄弟有服親者

喪服傳云凡小功以下為兄弟既言兄弟明有服親者也知非大功以上者以大功以上有同財之義無致贈

奠之法云可且贈且奠許其厚也者若然此所知許其贈不許其奠兄弟許其貳贈兼奠而上經亦賓而有贈有奠有賻三者彼亦不使竝行俱見之見三禮之中有則任行其一故總見之云贈奠於死生兩施者以下經

云知死者贈知生者賻注云各主於所知所知則賵而此賵奠不偏言所主明於生死兩施也

不奠注所知通問相知也降於兄弟奠施於死者為多

故不奠疏

注釋曰云所知通問相知也者言所知明是朋友通問相知言降於兄弟者許賵不許奠

也云奠施於死者為多故不奠者但賵與奠皆生死兩施其奠雖兩施施於死者為多知者以其言奠為死者而行故知於死者為多知死者贈知生者賻注各主於所知為疏不許行之也

所知疏

注釋曰云各主於所知者以其贈是玩好施於死者故知死者行之賵是補主人不足施於生

者故知生者行之書賵於方若九若七若五注方板也是各施於所知也

書賵奠賻贈之人名與其物於板每板若九行若七行

若五行音義

行竝戶郎反

疏

注釋曰以賓客所致有賻有贈有贈有真直云書賻者舉首而

言但所送有多少故行數不同

書遣

於策注策簡也遣猶送也謂所當

藏物茵以下疏

注釋曰云策簡者編連為策不編為簡故春秋左氏傳云南史氏執簡以往上

書賻云方此言書遣於策不同者聘禮記云百名以上書於策不及百名書於方以賓客贈物名字少故書於方則盡遣送死者明器之等并贈死者玩好之物名字多故書之於策策書明器之物應在上文而於此言之者遣中并有贈物故在賓客贈賻與賻之下特書也

乃代哭如初注棺柩有時將

去不忍絕聲也初謂既小斂時疏

釋曰案喪大記大夫以上官代哭士無官

以親疏代哭注釋曰云初謂既小斂時者案喪大記小斂之後乃代哭初死直主人哭不絕聲士二日小斂小

斂主人慚急客更代而哭也

宵為燎于門內之右注為哭者為明疏

注釋曰燎大燭必於門內之右門東者奠於柩車西鬼神尚幽闇不須明柩車東有主人階間有婦人故於門

右照之為明而哭也

○厥明陳鼎五于門外如初注鼎五羊豕魚

腊鮮獸各一鼎也士禮特牲三鼎盛葬奠加一等用少

牢也如初如大斂奠時疏

釋曰自此盡主人要節而踊論葬日之明陳大遣奠於廟

門外之事注釋曰知五鼎是羊豕魚腊鮮獸各一鼎者以下經云羊左胖豕亦如之魚腊鮮獸皆如初與少牢禮同故知也云士禮特牲三鼎者特牲饋食禮陳三鼎故知也云盛葬奠加一等用少牢也者以其常祭用特牲今大遣奠與大夫常祭用少牢同是盛此葬奠故加一等用少牢也云如初如大斂奠時者以其上遣祖奠

時云如殯謂如大斂明此云如初亦如大斂在廟門外
及東方之饌也雖如大斂斂數仍不同以其大斂三鼎
此則五鼎然大小斂時無黍稷朔月則有黍稷此葬奠
又無黍稷者大斂前無黍稷者以其初死至朔月乃有
之故鄭注云至此乃有黍稷今葬奠更無黍稷者以其
始死至殯自啓至葬其禮同故無黍稷亦同也凡年鼎
數或多或少不同若用特豚者或一鼎或三鼎若士冠
禮醢子及昏禮盥饋并小斂之奠與朝禴之奠皆一鼎
也三鼎者昏禮同牢士喪大斂朔月遷祖及祖奠皆三
鼎而以魚腊配之是也其用少牢者或三鼎或五鼎三
鼎者則有司徹云陳三鼎如初以其繹祭殺於正祭故
用少牢而鼎三也五鼎者少牢五鼎大夫之常事此葬
奠士攝盛之奠用少牢亦五鼎聘禮致殯衆介皆少牢
亦五鼎玉藻諸侯朔月少牢亦五鼎其用大牢者或七
或九或十或十二其云七鼎九鼎者公食大夫下大夫
大牢鼎七上大夫鼎九是也鼎十與十二者聘禮致殯

於賓饗一牢鼎九羞鼎三是十二也又云上介饗一牢鼎七羞鼎三是其十若然案郊特牲云鼎俎奇而蓬豆偶以象陰陽鼎有十與十二者以其正鼎與陪鼎各別數則為奇數也

其實羊左胖注反

吉祭也言左胖者體不殊骨也音義

判胖音

疏

注釋曰云反吉祭也

者以其特牲少牢吉祭皆升右胖此用左胖故云反吉祭也云言左胖者體不殊骨也者既言左胖則左邊共為一段故云體不殊骨雖然下云髀不升則除髀以下膊胛仍升之則於上肩脅脊別升則左胖仍為三段矣而云體不殊骨據脊脅已上膊胛已下共為一亦得為體不殊骨也髀不升注周貴肩賤髀古文髀作脾音義

髀步禮反

疏

釋曰云髀不升者則膊已上去之取膊胛

已下注釋曰云周貴肩賤髀者案祭統云殷人貴髀周人貴肩故云脾不升

腸五胃五注亦

盛之也疏

注釋曰亦盛之者以其不用特牲而用少牢是盛葬奠祭少牢用賜三胃三今加至五亦

是盛此奠也

離肺注離揔音義

揔苦反疏注釋曰此非直升腸圭反胃又升離肺者案少

儀云牛羊之肺離而不提心注云提猶絕也揔離之絕中央少許使易絕以祭耳此為食而舉亦名舉肺也

豕亦如之豚鮮無腸胃注如之如羊左胖髀不升離肺

也豚鮮鮮之如鮮豚亦前肩後肫脊脅而已無腸胃者

君子不食溷腴音義

肥劉音純又之春反溷音患又戶困反

疏

注釋曰亦如之鄭云

如之如羊左胖體不升離肺也者謂豕與羊同者左胖雖同仍與羊異以其羊則體不殊骨上下共為一段此豕之左胖則為四段矣故別云豚鮮豚鮮總有七段今取左胖仍為四段矣云亦前肩後肫脊脅而已者鄭欲

為四段與羊異也云君子不食酒腴者禮記少儀文彼鄭注云謂犬豕之屬食米穀者也腴有似於人穢引之者證不取腸胃之義也

魚腊鮮獸皆如初注鮮新殺者士腊用兔

加鮮獸而無膚者豕既豚解畧之疏

注釋曰云士腊用兔者謂此腊是其

乾者云鮮新殺者二者皆用兔必知士腊用兔者雖無正文案少牢禮大夫腊用麋鄭云大夫用麋士用兔與以無正文故云與以疑之此亦云士腊用兔雖不云與亦同疑可知但士腊宜小故疑用兔也云加鮮獸而無膚者豕既豚解畧之者以葬奠用少牢攝盛則當有膚與少牢同以豕既豚解四段喪事畧則無膚者亦畧之而加鮮獸也

東方之饌四豆脾析蟬醢葵菹羸醢注脾讀為

雞脾肫之脾脾析百葉也蟬蟬也今丈羸為蝸音義

脾劉

音毗注同一音婢支反析思反伏反婢皮佳反羸力疏釋曰

陳鼎既訖又陳東方之饌于主人之南前輅之東其豆有四脾析一婢醢二羢蔬三羸醢四案周禮鄭注醢人

云細切為齋全物若牒為蔬又云齋蔬之稱菜肉通又經不云蔬者類皆是齋則此經云脾析者即齋也注釋

曰云脾讀為雞脾毗之脾者鄭讀之欲見此脾雖與脾腎之脾同正謂百葉名為脾析故讀音從雞脾毗之脾

時俗有此語故讀從之也集醢人注云脾析牛百葉也此不云牛者彼天子禮容有牛此用少牢無牛當是羊

百葉故不云牛也云婢婢也者即蛤也知婢即蛤者以周禮醢人云羢醢注云羢蛤也此注云婢婢也以婢羢

是一物故知婢婢即羢蛤也四邊棗糗栗脯注糗以豆糗粉餌音義

糗去九反疏注釋曰云糗以豆糗粉餌者集籩人云羞餌而志反籩注釋曰云糗以豆糗粉餌者集籩人云羞

黍米所為也。合蒸曰餌。餅之曰饘。饘者搗粉熬大豆為餌。饘之粘著以粉之耳。餅言糗。饘言粉。互相足者此本一物。餅言糗。謂熬之亦粉之。饘言粉。搗之亦糗之。不言互文。而云互相足者。凡言互文者。是二物各舉一邊。而省文。故云互文。此糗與粉。唯一物分為二文。皆語不足。故云互相足也。又樂籩人羞有二籩。糗餌及粉。饘此經直言糗。則舉糗以見餌。而無醴酒。注此東方之饘與祖饘。故鄭云。糗以豆。糗粉餌也。醴酒。注此東方之饘與祖

奠同在主人之南。當前輅北上巾之疏。

注釋曰。鄭知義然者。案下記云。

祝饘。祖奠于主人之南。當前輅北上巾之。注云。既祖祝乃饘。以此言之。祝饘。祖奠即時還。輅鄉外。仍饘之于主人之南。自還輅車至此。饘葬奠。輅車不動。則此葬奠東方之饘。亦饘于主人之南。當與前同處。故注云。與祖奠同在主人之南。但祖奠與大斂奠同。二豆二籩。此葬奠四豆四籩。籩豆雖不同。而同處耳。云北上者。蓋兩輅在

北次南饌四豆注釋曰陳陳器注明器也適斂藏之疏注釋曰陳

陳明器也本作夜斂適似寫誤云夜斂者以其上朝祖之日已陳明器此復陳之者由朝祖至夜斂藏之至此

陳之也更滅燎執燭俠輅北面注照徹與葬奠也疏注釋曰昨

日朝祖日至夕云宵為燎于門內之右至此滅燎既滅二人執燭俠輅北面一人在輅東一人在輅西輅西者

照徹祖奠輅東者照葬奠之饌故注云照徹與葬奠也賓入者拜之注明自啓至

此主人無出禮疏注釋曰此時有弔葬之賓主人皆不出迎但在位拜之所以不出迎者既

啓之後既親尸柩不可離位以迎賓唯有君命乃出故注云明自啓至此主人無出禮也○徹者入

丈夫踊設于西北婦人踊注猶阼階升時也亦既盥乃

入由重東而主人踊猶其升也自重北西面而徹設

于柩車西北亦猶序西南疏

釋曰云徹者入者謂將設奠先徹祖奠故云徹者

入謂祝與執事徹祖奠者亦既盥乃入由重東而主人踊至徹訖設柩車西北則婦人踊也注釋曰云猶阼

階升時者謂徹小斂奠者門外盥訖入升自阼階丈夫踊今徹者亦門外盥訖入由重東主人踊故云猶其升

也云自重北西面而徹設於柩車西北亦猶序西南者此徹祖奠設于柩車西北亦猶小斂大斂朔日奠設于

序西也徹者東注由柩車北東適葬奠之饌疏

注釋曰以其徹訖當

設葬奠故徹者由柩車北東適葬奠之饌取而設于柩車西也知由柩車北而東者以其徹者設于柩車西北

而云徹者東若柩車南不得云鼎入注舉入陳之也陳徹者東故知在柩車北東行也

之蓋於重東北西面北上如初疏

注釋曰以其徹者既東當設葬奠故五鼎

皆入陳也云陳之蓋於重東北西面北上如初者以其上篇小斂奠舉鼎入阼階前西面錯大斂奠云舉鼎入

西面北上又朔月奠云鼎入皆如初其遷祖奠云陳鼎皆如殯則此在阼階下西面北上今此但云鼎入不言

如初無正文故云蓋以疑之既疑而知在重東北西面北上者以其奠祭在室掌設者皆陳鼎於阼階下西面

如大小斂乃奠豆南上綰遷羸醢南北上綰注遷羸醢故可知也

南辟醴酒也音義

辟音避

疏

注釋曰云遷羸醢南辟醴酒也者如上所饌則先饌脾析

於西南次北脾醢次東葵菹次南羸醢陳設要方則四遷亦宜設於脾析已南緒之為次今不於脾析已南為

次而於羸醢已南為次故知辟醴酒醴酒當設在脾析之南可知也俎二以成南上不綰

特鮮獸注成猶併也不緒者魚在羊東腊在豕東古文

特為俎音義

併步頂反

疏

注釋曰知俎二以併不緒者若緒則宜先設羊於西南次北設豕次

東設魚次南設腊今於西南設羊次北豕以魚設于羊東設腊于魚北還從南為始是不緒也其鮮獸在北北

無偶故云特也是以鄭云不醴酒在籩西北上注統於

豆也疏

注釋曰云統於豆也者豆即脾析也以其云北

奠者出主人要節而踊注亦以往來為節奠由重北西

既奠由重南東疏

注釋曰自上以來堂下設奠徹奠皆云主人要節而踊注皆云往來為節

此主人要節而踊亦以往來為節奠來時由重北而西既奠由重南而東此奠饌在輅之東言由重北者亦是

由車前明器之北鄉柩車西設之
設訖由柩車南而東者禮之常也

○甸人抗重出自道

道左倚之注還重不言甸人抗重言之者重既虞將埋

之言其官使守視之抗舉也出自道出從門中央也不

由闌東西者重不反變於恒出入道左主人位今時有

死者鑿木置食其中樹於道側由此音義

倚於綺反疏闌魚列反

釋曰自此盡徹者出踊如初論將葬重及車馬之等以
次出之事云道左倚之者當倚於門東北壁注釋曰云

還重不言甸人者上云二人還重不言甸人至此乃言
甸人也云重既虞將埋之者雜記文彼注云就所倚處

埋之但天子九虞諸侯七虞大夫五虞士三虞未虞以
前以重主其神虞所以安神雖未作主初虞其神即安

於寢不假重為神主又士大夫無木主明亦初虞即埋之也云不由闌東西者重不反變於恆出入者恆出入則闌東闌西也云道左主人位者檀弓云重主道注云始死未作主以重主其神也則重主死者故於主人之位埋之也鄭云今時以下者引漢法證重倚道左之事也薦馬馬出自道車各從其

馬駕于門外西面而俟南上注南上便其行也行者乘

車在前道橐序從音義

橐古疏注釋曰云南上者謂於老反門外之時南上云便其

行也者以其葬於國北在路則南上上者常在前故云便其行也云行者乘車在前道橐序從者案下記云乘車載殯道車載朝服橐車載策笠是序從也○徹者入踊如初徹巾苞牲取

下體注苞者象既饗而歸賓俎者也取下體者脛骨象

行又俎實之終始也士苞三个前脰折取臂膈後脰折取脰亦得俎釋三个雜記曰父母而賓客之所以為哀

音義

脰戶定反劉胡孟反个古賀反脰乃到反脰劉音格一音各

疏

注釋曰云苞者象既饗而歸賓

俎也者案雜記文而言之云取下體者脰骨象行者以父母將行鄉壻故取前脰後脰下體行者以送之故云象行也云又俎實之終始也者此盛葬奠用少牢其載牲體亦當與少牢同案少牢載俎云肩臂膈膊脰在兩端又云肩在上以此言之則肩臂膈在俎上端為俎實之始膊脰在俎下端為俎實之終今取此兩端脰骨苞以歸父母直取脰骨為象行又兩端為俎實之終始也云士苞三个者自上之差案檀弓云國君七个遣車七乘大夫五个遣車五乘注云人臣賜車馬者乃得有遣車遣車之差大夫五諸侯七則天子九諸侯不以命數

喪數畧也。个謂所苞遣奠牲體之數也。雜記曰：遣車視牢具。彼注云：言車多少各如所苞遣奠牲體之數也。然則遣車載所苞遣奠而藏之者，與遣奠天子太牢包九个諸侯亦太牢包七个大夫亦太牢包五个士少牢包三个大夫以上乃有遣車。以已士有一苞而言士無遣車，則所包者不載于車，直持之而已。士有一苞而云苞三个鄭又云个謂所苞遣奠，則士一苞之中有三个牲體，故云前脰折取臂臠後脰折取骼也。若然大夫云遣車五乘苞五个，則一苞之中有五个五五二十五，一太牢而為二十五體，則亦取下體前脰取臂臠後脰取骼三牲有九體。又就九體折分為二十五个五苞苞各五个諸侯亦太牢而苞七天子亦太牢又加以馬牲牲別有三體，則十二體就十二體中細分為八十一个九苞苞各九个大夫以上皆不得全體謂若少儀云太牢則以牛左肩臂臠折九个之類亦為不全體也。云亦得俎釋三个者羊俎上注云體不殊骨也。其髀又不升則骼別為一个。

段在俎今前脰折取臂臠其肩仍著胖為一段後脰折
取骼仍有肫一節在俎則羊俎仍有兩段在豕則左胖
豚解為四段在俎今前脰折取臂臠後脰折取骼仍有
四段在俎若然羊俎有二段豕俎有四段相通則二俎
組有三段在故得為組釋三個祭特牲組釋三個注云
為改饌於西北隅遺之則此奠雖不為改饌西北隅
之亦為分禱五祀也引離記者案彼云曾子謂或人曰
吾子不見大饗乎夫大饗既饗卷三牲之俎歸于賓館
父母而賓客之所以為哀也注云既饗歸賓俎所以厚
之也言父母家之主今賓客之是孝子哀親之去也取
此者以證此苞牲歸父母
亦是以賓客父母之事也
不以魚腊注非正牲也疏
釋注

曰云非正牲也者正牲謂上二牲魚腊
非正牲故不以魚腊載之故云非正牲
○行器注目葬

行明器在道之次疏
釋曰苞牲訖明器當行鄉壙故云
行器注釋曰云目葬行明器者即

下云茵苞已下是也故云目葬行也

茵苞器序從注如其陳之先後疏

注釋

曰此立云序從者序從即上文器西南上茵苞已下是也故此亦言茵苞以其為首故也

車從注次

器疏

注釋曰上陳明器訖次列車以從明器故云次器也

徹者出踊如初注於是

廟中當行者唯柩車疏

釋曰徹者謂苞牲訖當徹去所釋者出廟門分禱五祀者徹者

出時主人踊注釋曰云於是廟中當行者唯柩車者以其上文明器及車馬鄉壙者皆出唯有柩車在廟未出行者唯柩車也

○主人之史請讀貽執算從柩東當

前東西面不命毋哭哭者相止也唯主人主婦哭燭在

右南面注史北面請既而與執算西面於主人之前讀

書釋算燭在右南面照書便也古文算皆為筴音義

音母

無

疏

釋曰自此盡滅燭出論讀賄遠之事注釋曰經直云史請讀賄鄭知史北面請者以其主人於車東

北面所請者請於主人明史北面問之故知史北面也又知在主人之前讀之對面當樞故知在主人之前面鄉樞也請訖乃西面請時及入時書在前算在後則史西面之時算在史南西面今燭在史北近史照書為便若在左則隔

讀書釋算則坐注必釋算者榮其多疏

釋曰

讀書者立讀之敬也釋算者坐為釋之便也注釋曰云必釋算者榮其多者以其所賄之物言之亦得今必釋算顯其數者

卒命哭滅燭書與算執之以逆出注卒已

也疏

釋曰言逆出則入時長在前出時長在後燭言滅不言出者以其燭已滅不待言燭出其人亦出可

知

公史自西方東面命毋哭主人主婦皆不哭讀遣卒

命哭滅燭出注公史君之典禮書者遣者入壙之物君

使史來讀之成其得禮之正以終也燭俠輅疏

注釋曰知公史

是君之典禮書者以其言公史故知君史集周禮大史小史皆掌禮則諸侯史亦掌典禮可知云成其得禮之正以終者以其死葬之以禮是死者得禮之終事故以君史讀而成之也知燭俠輅者上陳設葬奠云執燭俠輅北面故知也 ○商祝執功布以御柩執披注居柩車之前若

道有低仰傾虧則以布為抑揚左右之節使引者執披

者知之士執披八人今文無以音義

仰五郎反疏釋曰自此

論柅車在道發行之事云執功布者謂執大功之布麤者也云以御柅執披者葬時乘車故有柅車前引柅者及其傍執披者皆御治之故云御柅執披也注釋曰云柅車之前若道有低仰傾虧則以布為抑揚左右之節者道有低謂下坂時道有仰謂上坂時傾虧謂道之兩邊在車左右轍有高下云以布為抑揚左右之節者道有低則抑下其布使知下坂道有仰則揚舉其布使知上坂云左右者謂道傾虧高下則左右其布使知道之有傾虧也若東轍下則下其布向東邊執披者持之西轍下則下其布向西東邊執披者持之若然鄭云使引者執披者知之者執披者知其左右引者知其上下也知士執披八人者案下記云執披者旁四人注云前後左右各二人是主人袒乃行踊無算注袒為行變也士執披者八人也

乃行謂柅車行也凡從柅者先後左右如遷于祖之序

疏

注釋曰云乃行謂柩車行者經云乃行文承主人袒下嫌主人行故云乃行謂柩車行以行處據柩為主

柩車行主人行可知故舉柩車行也云凡從柩者先後左右如遷于祖之序者上遷于祖時注云主人從者丈夫由右婦人由左以服之親疏為先後各從其昭穆男賓在前女賓在後此從柩向壙之序一如遷于祖之序故如也

出宮踊襲注哀次疏

注釋曰云哀次者以經云出宮踊襲以出宮有此踊襲止

為出宮大門外有賓客次舍之處父母生時接賓之所故主人至此感而哀此次是以有踊踊訖即襲襲訖而行也故檀弓云哀次亦如之注云次他日賓客所受大門外舍也孝子至此而哀是也

○至于邦

門公使宰夫贈玄纁束注邦門城門也贈送也疏

注釋曰云

邦門者案檀弓云葬于北方北首三代之達禮也此邦門者國城北門也贈用玄纁束帛者即是至壙窆訖主

人贈死者用玄纁束帛也以其君物所重故用之送終也

主人去杖不哭由左聽命

賓由右致命注樞車前輅之左右也當時止樞車音義

去起

疏

注釋曰此謂宰夫將致命主人乃去杖不哭由

呂反

樞車前輅之左右若然在廟樞車南鄉左則在

東此出國北門樞車鄉北左則在前輅之西也賓由右致命則在樞車之東矣經蓋云左右鄭必知據前輅左右者以樞車在廟門時賓在樞車右主人在樞車左故知此亦當前輅左右也云當時止樞車者下記云唯君命止樞于垣其餘則否注云不敢

留

神明此宰夫致命時樞車止也

主人哭拜稽顙賓升

實幣于蓋降主人拜送復位杖乃行注升樞車之前實

其幣於棺蓋之柳中若親授之然復位反樞車後疏

注釋

曰賓既致公贈命訖主人乃哭拜稽顙賓乃升車實幣于棺之蓋中載以之壙上文在廟所贈之幣皆奠於左服此實於蓋中者彼贈幣生死兩施故奠于左服此贈專為死者故實于蓋中若親授之然云復位反柩車後者上在廟位在柩車後也○至于壙陳器于道東西北上此行道故在柩車後也

注統於壙疏

釋曰自此盡拜送論至壙陳器及下棺訖送賓之事注釋曰云統於壙者對廟中南

上此則北上故云統於壙也

茵先入注當藉柩也元士則葬用軼軸

加茵焉疏

注釋曰云當藉柩也者解茵先入之意以其茵入乃後屬引下棺於其上以須藉柩故茵

先入云元士則葬用軼軸加茵焉者元士謂天子之士葬時先以軼軸由羨道入乃加茵於其上乃下棺於中知元士葬用軼軸也者檀弓云孺子贛之喪哀公欲設撥注云撥可撥引輜車所謂紼間於有若有若曰其可

也君之三臣猶設之顏柳曰天子龍輅而設幬諸侯輅而設幬為榆沈故設撥三臣者廢輅而設撥竊禮之不中者也以此言之天子諸侯殯葬皆用輅朝廟亦用輅以其士殯葬不用輅朝廟得用之明大夫朝廟得用輅故上注云大夫諸侯以上有四周謂之輅以其大夫朝廟得用輅故言之也諸侯之大夫有三命再命一命殯葬不得用輅天子之元士亦三命再命一命殯葬得用輅輅者春秋之義王人雖微猶在諸侯之上明天子之士尊謂之為屬引元元者善之長故得用輅輅不與諸侯大夫同也

注於是說載除飾更屬引於緘耳古文屬為燭音義

說

活反緘古咸疏注釋曰云於是說載者謂輅車至壙解反劉古陷反說去載與披及引之等除飾者解去惟荒池紐之等然後下棺云更屬引於緘耳者案喪大記云君寔以衡太夫士以咸鄭注云衡平也人君之喪又

以木橫貫緘耳居旁持而平之今齊人謂棺束為緘以此而言則棺束君三社三束大夫士二社二束束有前後於束末皆為緘耳以紼貫結之而下棺人君又於橫木之上以屬紼也主人袒衆主人西

面北上婦人東面皆不哭注俠義道為位疏

釋曰主人袒者為下

棺變婦人不言北上亦如男子北上可知不哭者為下棺宜靜注釋曰云俠義道為位者義道謂入壙道上無負土為義道天子曰隧塗上有負土為隧僖公二十五年晉文公請隧弗許是也○乃窆主人

哭踊無算注窆下棺也今文窆為封疏

釋曰主人哭踊不言處還於壙

東西面也注釋曰云窆下棺者春秋謂之塋皆是下棺之名也襲贈用制幣玄纁束拜

稽顙踊如初注丈八尺曰制二制合之束十制五合疏

注釋曰云丈八尺曰制者朝貢禮及巡狩禮皆有此文以丈八尺為制昏禮幣用二丈取成數凡禮幣皆用制者取以儉為節聘禮云釋幣制玄纁束注云凡物十曰束玄纁之率玄居三纁居二此注云二制合之束十制五合者則每一端丈八尺二端為一匹五匹合為十制也卒袒拜賓主婦亦拜賓即

位拾踊三襲注主婦拜賓拜女賓也即位反位也音義

拾其業反劉其輒反後放此

疏注釋曰卒謂贈卒更袒拜賓云反位者各反義道東西位其男賓在衆主

人之南女賓在衆婦之南賓出則拜送注相問之賓也凡弔賓有五

去皆拜之此舉中焉疏

注釋曰鄭知賓是相問之賓也凡弔賓有五此舉中者案雜記

云相趨也出宮而退相揖也衰次而退相問也既封而退相見也反哭而退朋友虞祔而退注云此弔者恩薄

厚去遲速之節也相趨謂相問姓名來會喪事也相揖
嘗會於他也相問嘗相惠遺也相見嘗執摯相見也以
此而言此經既葬而退是相見問遺之賓
舉中以見上下五者去即皆拜送可知
藏器於旁加

見注器用器役器也見棺飾也更謂之見者如此則棺
柩不復見矣先言藏器乃云加見者器在見內也內之
者明君子之於事終不自逸也檀弓曰周人牆置翬音

義

見賢疏注釋曰云器用器役器也者用器即上弓矢
遍反疏未耜之等役器即上甲冑干竿之屬此器中

亦有樂器不言者省文知有用器役器者以下別云苞
筭之等則所藏者是此器也云見棺飾也者飾則帷荒
以其與棺為飾是以喪大記云飾棺君龍帷黼荒大夫
畫帷畫荒士布帷布荒注云飾棺者以華道路及壙中

不欲衆惡其親也此樞入壙還以帷荒加於樞故鄭注云及壙中也云更謂之見者如此則棺樞不復見矣者以其唯見此帷荒故名帷荒為見是棺樞不復見也云先言藏器乃云加見者器在見內也內之者明君子之於事終不自逸也者以用器役器近身陳之是不自逸也引檀弓者見帷荒在樞外周人名為牆若牆屋然其外又置嬰藏苞筥於旁注於旁者在見外也不言甕甗

饌相次可知四者兩兩而居喪大記曰棺槨之間君容

祝大夫容壺士容甗音義

祝尺六反

疏

注釋曰云於旁者在見外也者以其加見

乃云藏苞筥故知見外也云不言甗甗饌相次可知者以其陳器之法後陳者先用先用甗甗後用苞筥苞筥藏明甗甗先藏可知故云相次可知云四者兩兩而居者謂苞筥居一旁甗甗居一旁故云兩兩而居也云喪

大記者欲見樽內棺外所加折卻之加抗席覆之加抗

木注宜次也疏

注釋曰云宜次也者宜謂折上陳之美面向上今用即美面向下抗席又覆之

又折宜承席席宜承木皆是其宜也次者實土三主人

拜鄉人注謝其勤勞疏

注釋曰案雜記云鄉人五十者從反哭四十者待盈坎注云非

鄉人則少長皆反以此而言於時主人未反哭鄉人竝

在故今至實土三徧主人拜謝之謝其勤勞勤勞者謂

在下棺助執紼在壙即位踊襲如初注哀親之在斯疏

謂既拜鄉人乃於義道東即位踊無算如初也注釋

曰云哀親之在斯者以親之在斯故哀號甚踊無算

乃反哭入升自西階東面衆主人堂下東面北上注西

四四

階東面反諸其所作也反哭者於其祖廟不於阼階西

面西方神位疏

釋曰自此盡門外拜稽顙論主人反哭賓弔之事反哭者拜鄉人訖反還家哭

於廟入升自西階東面哭注釋曰云西階東面反諸其所作也者案檀弓云反哭於堂反諸其所作也注云親所行禮之處是也云反哭者於其祖廟者謂下士祖禰其廟故下經賓出主人送于門外遂適于殯宮適士二廟者自殯宮先朝禰後朝祖今反哭則先于祖後于禰遂適殯宮也案春秋僖八年經書用致夫人左氏云凡夫人不殯於廟者春秋之世多行殷法不與禮合也云不於阼階西面西方神位者以特牲少牢主人行事升降皆由阼階今不於阼階故決之以西方神位知者特牲少牢皆布席於奧殯又在西階是西方神位主人非行事直哭而婦人入丈夫踊升自阼階注辟主人也疏已故就神位

釋曰反哭之禮主人男子等先入主婦婦人等後入故婦人入丈夫在位者皆踊注釋曰婦人不升西階者由主人在西階故鄭云辟主人

主婦入于室踊出即位及丈夫拾踊三

注入于室反諸其所養也出即位堂上西面也拾更也

音義

更音庚

疏

注釋曰

案檀弓云主婦入于室反諸其所養也鄭注云親所饋食之處哭也但主人

既在西階親所行禮之處以婦人無外事故於饋食之處哭也云出即位堂上西面也者自小斂奉尸俛于堂已後主婦等位皆在阼階上西面是以知出即位者阼階上西面也云拾更也者凡成踊而拾皆主人踊主婦踊賓乃踊故云更也

賓弔者升自西階曰如之何主人拜稽顙注

賓弔者衆賓之長也反而亡焉失之矣於是為甚故弔

之弔者北面主人拜于位不北面拜賓東者以其亦主

人位也古文無曰字疏

注釋曰知賓弔是衆賓之長者以其弔賓皆在堂下今升堂釋

詞故知賓中為首者賓之長也云反而亡焉失之矣於是為甚者亦檀弓文引之証周人反哭而弔哀之甚也

云弔者北面者以經云賓弔者升自西階即云曰如之何不見弔者改面之文明升堂北面可知云主人拜于

位者拜于西階上東面位知者以其上經云主人升自西階東面故知仍東面位也云不北面拜賓東者以其

亦主人位也者鄉飲酒鄉射主人酬賓皆於賓東主人位特牲少牢助祭之賓主人皆拜送于西階東面故於

東面不移以其亦主人位故也

賓降出主人送于門外拜稽顙疏

釋曰此於

雜記五賓當相見之賓故鄭上注云舉中焉明五賓皆依節而弔也遂適殯宮皆如啓位

拾踊三注啓位婦人入升堂丈夫即中庭之位疏

注釋曰某

士喪禮朝夕哭位云婦人即位于堂南上主人堂下直東序西面啓殯時云主人位如初人云主人入即位則此如啓位婦人亦即位于堂東西面主人即位位于堂下直東序西面直東序西面即中庭位也兄弟出

主人拜送注兄弟小功以下也異門大功亦可以歸疏

釋曰丈夫婦人在殯宮拾踊既訖兄弟入門者出主人拜而送之注釋曰知兄弟小功以下也者此兄弟等始死之時皆來臨喪殯訖各歸其家朝夕哭則就殯所至葬開殯而來喪所至此反哭亦各歸其家至虞卒哭祭還來預焉故喪服小記云緦小功虞卒哭則皆免是也云異門大功亦可以歸者大功以上有同財之義為異門則恩輕故可歸也衆主人出門哭止闔門主人揖衆主人乃就

次注次倚廬也疏

釋曰云衆主人出門者則主人拜送兄弟因在門外云闔門者鬼神尚幽

闔注釋曰云次倚廬也者以未虞以前仍依於初東壁下倚木為廬齊衰居堊室大功張帷喪服傳云既虞拄

楣翦屏此直云倚廬據主人斬衰者而言

○猶朝夕哭不奠注是日也以虞

易奠疏

注釋曰自啓殯以來常奠今反哭至殯宮猶朝夕哭如前不奠耳檀弓云葬曰虞弗忍一日離

也是日也以虞易奠故不奠也

三虞注虞喪祭名虞安也骨肉歸於土

精氣無所不之孝子為其彷徨三祭以安之朝葬日中

而虞不忍一日離疏

注釋曰云虞喪祭名日中而虞不忍一日離皆檀弓文案彼云葬日

虞弗忍一日離也又云卒哭曰成事是日也以吉祭易喪祭喪祭則三虞也云虞安也者主人孝子葬之時送

形而往迎竟而返恐竟神不安故設三虞以安之云骨肉歸於土精氣無所不之者案檀弓云延陵季子葬其長子於贏博之間既窆左袒右還其封云骨肉歸復于土命也若冤氣則無不之也是其骨肉歸于土精氣無所不之之事言此者欲見迎竟而反以虞祭安之是以鄭云孝子為其彷徨三祭以安之云朝葬日中而虞即檀弓所云葬日虞弗忍一日離又卒哭注卒哭三虞之下士虞記亦云日中而行事是也

後祭名始朝夕之間哀至則哭至此祭止也朝夕哭而

已疏

注釋曰云卒哭三虞之後祭名者三虞者再虞用柔日後虞改用剛日又隔柔日卒哭用剛日故云

卒哭三虞之後祭名也云始朝夕之間哀至則哭至此祭止也者始死主人哭不絕聲小斂之後以觀疏代哭亦不絕聲至殯後主人在廬廬中思憶則哭又有朝夕於阼階下哭至此為卒哭祭惟有朝夕哭而已言其哀

殺也然則喪有三無時哭者始死至殯哭不絕聲一無時既殯廬中思憶則哭二無時卒哭祭後唯有朝夕哭為有時至練祭之後人止朝夕哭惟有壘室之中或十日或五日一哭通前為三無時之哭也是以檀弓云哭無時使必知其反也明日以其班祔注班次也祔卒哭是據練後哭無時也

之明日祭名祔猶屬也祭昭穆之次而屬之音義

屬音燭

疏

注釋曰云班次也者謂昭穆之次第云祔卒哭之明日祭名者以卒哭用剛日祔用柔日是以下士虞記

云卒哭祭即云明日以其班祔故云卒哭之明日祭名云祔猶屬也祭昭穆之次而屬之者以其孫祔於祖孫與祖昭穆同故以孫連屬於祖而就祖而祭之也

□疏

釋曰凡記者皆是經不具記之使充經文理備足也

士處適寢寢東首于北

墉下注將有疾乃寢於適室今文處為居于為於音義

適丁狄反首手

疏

注釋曰云將有疾乃寢於適室者以士喪篇首云士死於適室此記云適

又反墉音庸 寢者適室一也故互見其文若不疾則在燕寢將有疾乃寢臥於適室故變室為寢也云東首者鄉生氣之所云墉下者墉謂之牆喪大記謂之北牖下必在此墉下亦取十一月一陽生於北生氣之始也士喪禮論其死事故不云疾此記人記其不備凡有疾疾者齊注正情

人死皆因疾故記其疾之所在也

性也適寢者不齊不居其室音義

齊側皆反疏注釋曰本又作齊

者既有疾當齊戒正情性故也云適寢者不齊不居其室者案鄉黨孔子齊居必遷坐又祭義云致齊於內散齊於外皆在適寢但散齊得鄉外故云於外耳是其齊居適寢也

養者皆齊注憂也音

義

養于亮反

疏

釋曰案曲禮云父母有疾冠者不櫛行不翔笑不至矧怒不至詈不飲酒食肉疾止後故

男女養疾皆齊戒正情性也

徹琴瑟注去樂音義

呂起疏注釋曰君去起疏子無大故

琴瑟不離其側今以父母有疾憂不在于樂故去之案喪大記云疾病內外皆埽君大夫徹縣士去琴瑟注云凡樂器天子宮縣諸侯軒縣大夫判縣士特縣去琴瑟者不命之士亦謂子男之士不命者也疾病外

內皆埽注為有賓客來問也疾甚曰病音義

埽素到反疏注

曰云疾甚曰病者則外內皆徹褻衣加新衣注故衣垢

汚為來人穢惡之疏

釋曰此文承疾病者及養病者則徹褻衣據死者而言則生者亦去

故衣服新衣矣注釋曰徹褻衣謂故玄端已有垢汙故來人穢惡是以徹去之加新衣者謂更加新朝服喪大

記亦云徹褻衣加新衣鄭注云徹褻衣則所加者新朝服矣互言之也加朝服者明其終於正也互者褻衣是玄端新衣是朝服言新則褻衣是故玄端言褻朝服是潔不褻矣各舉一邊而言明皆有蕪也必知褻衣是玄端新衣是朝服者案司服士之齊戒服玄端則疾者與養疾者皆齊明服玄端矣檀弓云始死羔裘玄冠者易之而已羔裘玄冠即朝服故知臨死所著新衣則朝服也故鄭云終於正也

御者四人皆坐

持體注為不能自轉側御者今時侍從之人疏

注釋曰案喪大

記云體一人注云為其不能自伸屈也若然四體各一人亦為不能自轉側詩云輾轉反側據身云不能自屈伸據手足二文相蕪乃具云御者今時侍從之人者士雖無臣亦有侍御僕從之人終於其手也

男女

改服注為賓客來問病亦朝服主人深衣屬纊以俟絕

氣注為其氣微難節也續新絮音義

屬音燭

疏

注釋曰喪大記

注云續今之新綿易動搖置口鼻之上以為侯亦二注相兼乃具云續新絮即新絳禹貢豫州貢織纈明續新

縣也

男子不絕於婦人之手婦人不絕於男子之手注備

襲疏

注釋曰案喪大記注云君子重終為其相襲若然疾時使御者持體并死于其手若婦人則內御者

持體還死於其手故喪大記云其母之喪則內御者抗余而浴僖公三十三年冬公薨于小寢左氏傳曰即安

也注云小寢夫人寢也禮男子不絕于婦人之手今僖公薨于小寢譏其近女室是男子不絕于婦人之手備

也乃行禱于五祀注盡孝子之情五祀博言之士二祀

曰門曰行疏

注釋曰云盡孝子之情者死期已至必不可求生但盡孝子之情故乃行禱五祀望

祐助病者使之不死也云五祀博言之士二祀曰門曰行者祭法文今禘五祀是廣博言之望助之者衆其言

五祀則與諸侯五祀同則祭法云諸侯五祀是也○乃卒注卒終也疏釋曰自

尸論上篇始死遣尸於南牖之事注釋曰曲禮與爾雅皆云大夫曰卒士不祿今士不言不祿而云卒者義取

君子曰終小曰死故鄭云卒也美言之使與大夫同稱也主人啼兄弟哭注哀有

甚有否於是始去冠而笄纚服深衣檀弓曰始死羔裘

玄冠者易之疏注釋曰云哀有甚有否者啼即泣也檀弓云高柴泣血三年注云言泣無聲如

血出則啼是哀之甚發聲則氣竭而息之聲不委曲若往而不反對辭哀以下直哭無啼是其否也知於是始

去冠而笄纚服深衣者禮記問喪云親始死難斯徒跣扱上衽注云難斯當為笄纚上衽深衣之裳前是其親

始死筭纁服深衣也引檀弓者證服深衣易去朝服之事也

設牀第當牖衽下莞上

簟設枕注病卒之間廢牀至是設之事相變衽卧席古

文第為茨音義

第側儿反衽而疏釋曰經直云士死于甚反又而鳩反適室幪用斂衾不云

此等之事故記人言之也注釋曰云病卒之間廢牀至是設之者喪大記云疾病寢東首於北牖下廢牀是其始死亦因在地無牀復而不蘇乃設牀於南牖下有枕席是病卒之間廢牀於是設之云事相變者謂疾病時去牀既死設牀是生死事相變也云衽卧席者曲禮云請席何鄉請衽何趾鄭云坐問鄉卧問趾因於陰陽是衽為卧席昏禮遷尸注徙於牖下也於是幪用斂衾疏注云衽卧席也

注釋曰云徙於牖下者即上文牀第當牖者也於是幪用斂衾者釋士喪禮幪用斂衾之時節也

○復

者朝服左執領右執要招而左注衣朝服服未可以變

音義

朝直遙反衣於既反疏釋曰云招而左者以左手執領

招覓所以求生左陽陽主生故用左也復者士之有司

著朝服左執領謂爵弁服也注釋曰云衣朝服服未可

以變者謂始死未可以變之服也服以其復所以求生

故也喪大記小臣復復者朝服彼言小臣據君則上下

尊卑復者皆朝服也○楔貌如輓上兩末注事便也今文輓作戾

音義輓於疏注釋曰云如輓者輓謂如馬鞅輓馬領亦

革反疏上兩末令以屈處入口取出時易故鄭云

事便也此角相異

綴足用燕几校在南御者坐持之注

於吉時所用也

校脰也尸南首几脰在南以拘足則不得辟戾矣古文

儀禮注疏

卷二

校為枝音義

校劉胡飽反一音苦交反辟必亦反疏注釋曰云几脰在南

矣者古者几兩頭各施兩足今則夾以豎用之尸南首足鄉北故以几脚鄉南以夾足恐几歇側故使生存侍御者一人坐持夾之使足不辟疾可以著屨也○即牀而奠當轔用吉器若醴

若酒無巾枳

注轔肩頭也用吉器器未變也或卒無醴

用新酒音義

轔五口反劉五族反卒七忽反疏注釋曰即就也謂就尸

牀東當尸肩頭也此即檀弓云始死之奠其餘闕也與云用吉器器未變也者謂未忍異於生故未變至小斂奠則變甌豆之等為變矣云或卒無醴用新酒者釋經若醴若酒科有其一不得竝有之事以其始死卒未有醴則用新酒若然醴酒俱有容有醴則用之不更用酒以其始死不備故也若小斂以後則酒醴具設甌二醴

也酒是

○赴曰君之臣某死赴母妻長子則曰君之臣某

之某死注赴走告也今文赴作訃音義

長丁反疏釋曰云

子則曰君之臣某之某死者上某是士名下某是母妻長子假令長子則云長子某若母妻則婦人不以名行直云母與妻也注釋曰云赴走告也者言赴取急疾之意故云赴走告也云今文赴作訃者雜記作訃者義取以言語相通亦一塗也

○室中唯主人主婦坐兄弟有命夫命婦

在焉亦坐注別尊卑也音義

列彼反

疏

注釋曰云兄弟有命夫命婦在焉亦

坐者若無命夫命婦則皆立可知此士喪禮故鄭云別尊卑也尊謂命夫命婦案大記君之喪主人主婦坐以外皆立若大夫喪主人主婦命夫命婦皆坐以外皆立也士之喪主人父兄主婦姑姊妹皆坐鄭云士賤同宗

尊卑皆坐此命夫命婦之外立而不坐者此謂有命夫命婦來兄弟為士者則立若無命夫命婦則同宗皆生

也

○尸在室有君命衆主人不出注不二主疏

釋曰經直云主

人唯君命出不言衆主人故記人辨之云衆主人不出在尸東耳注釋曰云不二主者曾子問云喪有二孤廟有二主為非禮不云不二孤而云不二主者彼廟主與喪孤相對此孤不對廟主孤亦是喪主故以主言之也

○祔者委衣于牀不坐注牀高由便疏

注釋曰云牀高由便者曲禮云

授立不跪授坐不立此委衣於牀者不坐委之以牀高亦如授立不坐之義故云由便也

其祔于室

戶西北面致命注始死時也疏

注釋曰云始死時者謂未小斂之前尸在室中

戶西故北面致命若小斂之後奉尸俛於堂則中庭北面致命

○夏祝淅米差盛之注

差擇之音義

浙西歷反差七何反又初佳反劉藏何反盛音成

疏

釋曰經直云祝浙米于堂

南面用盆不言夏與盛之故記人言之

御者四人抗衾而浴禮第注抗衾

為其裸裎蔽之也禮袒也袒簣去席盥水便音義

抗苦浪反

劉音剛禮之善反盥音祿

其母之喪則內御者浴鬢無笄注內御女

御也無笄猶丈夫之不冠也音義

鬢古外反

疏

注釋曰云內御女御也者

以婦人稱內故以女御為內御婦人不死男子之手故知內御女御也周禮九嬪注云天子八十一御妻亦曰女御與此別也云無笄猶丈夫之不冠也者喪服小記云男子冠而婦人笄士喪禮男子襲不冠此婦人不笄與男子不冠同故云猶丈夫不冠也設明衣婦人則設中帶注中帶若今

之禪疹音義

禪音昆疹音衫

疏

釋曰經直云設明衣不辨男子與婦人故此記人云設明衣者

男子其婦人則設中帶注釋曰云中帶若今禪疹者鄭舉目驗而言但男子明衣之狀鄭不明言亦當與中帶相類有不同之處故別雖名中帶亦號明衣取其圭潔也

卒洗貝反于筭實貝柱右

顛左顛注象齒堅音義

筭音煩柱丁主反顛丁干反

疏

注釋曰經直云實貝於尸

左右及中不言遠近故記人辨之云右顛左顛謂牙兩畔最長者象生時齒堅也

夏祝徹餘飯

注徹去驚疏

釋曰經不言夏祝徹故記人言之

瑱塞耳注塞充窒音義

瑱他疏

釋曰經直云瑱用白纁用掩之不云塞殿反耳恐同生人縣于耳旁故記人言之也

掘坎南

順廣尺輪二尺深三尺南其壤注南順統於堂輪從也

今文堀為圻音義

堀其勿反又其月反
圻五錦反劉作威反

疏

釋曰經直云
甸人掘坎于

階間不辨大小
故記人明之

堡用塊注塊塼也古文堡為役音義

塼普

通反劉
音逼

疏

注釋曰云塊塼者爾雅釋
言文孫氏云塼土塊也

明衣裳用幕布袂

屬幅長下膝注幕布帷幕之布升數未聞也屬幅不削

幅也長下脰又有裳於蔽下體深也疏

釋曰云明衣裳
用幕布則衣裳

同用幕布云袂屬幅長下膝者唯據衣而言以其下別
云裳故也注釋曰云幕布帷幕之布者周禮幕人云掌

帷幕幄帟綬鄭云帷幕皆以布為之幄帟皆以繒為之
以其帷幕所以張之於外恐不相勝舉故須用布鄭亦

取此文用幕布為義也故此云帷幕之布云升數未聞
者以其不云疏布直云幕布故云未聞也云屬幅不削

幅者布幅二尺二寸凡用布皆削去邊幅旁一寸為二寸計之則此不削幅謂緣使相著還以袂二尺二寸云長下膝者謂為此衣長至膝下云又有裳於蔽下體深者凡為衣以其有裳故不至膝下此又有裳而言膝下故云於蔽下體深也蔽下

有前後裳不辟長及蔽注不

辟積也蔽足跗也凡他服短無見膚長無被土音義

必辟

亦反劉又薄歷反蔽苦角反又戶角反

疏

注釋曰云不辟積也者以其凡男子裳不連衣故皆前三幅後

四幅辟積其要間示文今此亦前三後四不辟積者以其一服不動不假上狹下寬也云凡他服短無見膚長無被土者他服謂深衣深衣云短毋見膚注云衣取蔽形又云長毋被土注云為汙辱是也此裳及蔽至足跗亦是不被土

緣緋緇注一染謂之緣今紅也飾裳在幅故引為證也

曰緋在下曰緋音義

緋七絹反范倉亂反緋毗支反疏

注釋曰云一染謂之緋者爾雅文謂一入赤汁染之即漢時紅故舉以為況也云飾裳在幅曰緋者案深衣云純袂純邊注云純謂緣之也緣邊衣裳之側緣法如彼也則表裏共三寸矣此在幅亦衣裳之側緣法如彼也

緇純注七入為緇緇黑色也飾衣曰純謂領與袂衣以

緇裳以緇象天地也音義

純諸允反劉之閏反

設握裏親膚繫鈎

中指結于擊注擊掌後節中也手無決者以握繫一端

繞擊還從上自貫反與其一端結之音義

握如字劉鳥豆反中如字

劉丁仲反擊鳥亂反

疏

釋曰手無決者以其經已云設握麗于擊與決連結據右手有決者不言左手無決

者故記之注釋曰云以握繫一端繞擊還從上自貫反與其一端結之者案上文握手用玄纁袞長尺二寸今裏親膚據從手內置之長尺二寸中掩之手纁相對也兩端各有繫先以一端繞繫一匝還從上自貫又以一端鄉上鉤中指反與繞擊者結於掌後節中

甸人築圻坎注築實土其中堅

之穿坎之名一曰圻疏

釋曰經直云甸人掘坎不云還使甸

人築之也

隸人涅廁注隸人罪人也今之徒役作者也涅塞

也為人復往褻之又亦鬼神不用音義

涅乃結反塞也復扶又反

疏

注釋曰知隸人罪人者案周禮司隸職云其奴男子入於罪隸者則中國罪人對夷隸蠻隸貉隸之等是征四夷所得也故鄭舉漢法今之徒役作者也云為人復往褻之又亦鬼神不用者若然古者非直不共偪浴亦不

共廁故得云死者不用也

○既襲宵為燎于中庭注宵夜疏

釋曰士之喪死

日而襲經不云中庭設燎故記明之也

厥明滅燎陳衣注記節疏

注釋曰云記節

者為小斂陳衣當襲之明旦滅燎之時故記節正經不云故記人以明之也

凡絞紵用布倫

如朝服注凡凡小斂大斂也倫比也今文無紵古文倫

為輪疏

注釋曰言凡非一之言以其惟小斂至大斂有絞大斂又有紵故知凡中有大小斂也言類如

朝服者雜記云朝服十五升是也

○設於于東堂下南順齊于坫饌于

其上兩甌醴酒酒在南篚在東南順實角觶四木柶二

素勺二豆在甌北二以竝邊亦如之注於今之罍也角

解四木柶二素勺二為夕進醴酒兼饌之也勺二醴酒各一也豆籩二以併則是大斂饌也記於此者明其他

與小斂同陳古文角解為角柶音義

於庶反齊如字劉才計反玷丁念

反勺上疏

釋曰自此盡出室論陳大小斂奠記經不備之事注釋曰云角解四木柶二為夕進醴酒

煎饌之也者以其大小斂之奠皆有醴酒醴一解又用一柶酒用一解計醴酒但用二解一柶矣而解有四柶有二者朝夕酒醴及器別設不同器朝夕二奠各饌其器也云籩豆二以併則是大斂饌者以其小斂一豆一籩大斂乃有二豆二籩故知二謂大斂饌云記於此者明其他與小斂同陳者鄭意大斂饌不在大斂節內陳之而在小斂節陳之者以其陳此籩豆之外皆與小斂同故就小斂節內陳之取省文之義也云同陳者謂多

少同陳不謂大斂饌陳之亦在小斂節內也

凡籩豆實具設皆巾之注籩豆

偶而為具具則於饌巾之巾之加飾也明小斂一豆一

籩不巾疏

釋曰云實具設皆巾之者謂於東堂實之於奠設之二處皆巾故云皆巾之注釋曰云籩

豆偶而為具具則於饌巾之巾之加飾也者此鄭指解大斂之實饌於堂東之時巾之加飾對小斂之實於堂

東不巾不加飾云明小斂一豆一籩不巾者以其云籩豆具據大斂奠二豆二籩實與奠二處皆巾明小斂奠

一豆一籩堂東饌時不巾若然宿奠從設于柩西巾之為在堂經久設塵埃如故雖一籩一豆亦巾之即禮記

檀弓云喪不剃奠也與祭肉也與以其有牲肉故也

饌俟時而酌杞覆加之面枋

及錯建之注時朝夕也檀弓白朝奠日出夕奠逮日音

義

楊彼命反
錯七故反

疏

釋曰言此者記人忌饌時已酌於解故
記云俟時而酌也
注釋曰引檀弓者謂

時是朝夕之時必朝奠待日出夕奠須日
未沒者欲得父母之神隨陽而衆故也

小斂辟奠不

出室注未忍神遠之也辟襲奠以辟斂既斂則不出於

室設于序西南畢事而去之音義

辟婢亦反劉芳益反
注辟襲奠同遠于萬

反辟斂
音避

疏

注釋曰云未忍神遠之也者釋奠不出室之
義始死猶生事之不忍即為鬼神事之故奠

不出室云辟襲奠以辟斂者以經云小斂辟奠故知辟
襲奠只為辟斂也云既斂則不出於室設於序西南者

又解襲奠不出室若將大斂則辟小斂奠於序西南此
將小斂辟奠於室至於既小斂則亦不出於室設於序
西南故言不出室若然奠不出室為既斂而言也云事
畢而去之者斂事畢奉尸俛于堂乃去之而設小斂奠

于尸無踊節注其哀未可節也疏釋曰自死至此為節

有踊節而云無踊節者除三者三之外其間踊皆無節即上文踊無算是也注釋曰云其哀未可節也亦謂三

者三之外無踊節而言也既馮尸主人袒髻髮絞帶衆主人布帶注

衆主人齊衰以下音義髻音枯疏釋曰小斂于戶內訖主人袒髻髮散帶垂經不

云絞帶及齊衰以下布帶事故記者言之案喪服直經之外又有絞帶鄭注云要經象大帶又有絞帶象革帶

齊衰以下用布齊衰無等皆是布帶也注釋曰知衆主人非衆子者以其衆子皆斬衰絞帶故知衆主人齊衰

以下也○大斂于柩注未忍便離主人位也主人奉尸斂

于棺則西階上賓之疏釋曰經大斂時直云布席如初不言其處故記云大斂于柩注

釋曰昨是主人位故鄭云未忍便離主人位也云主人奉尸斂于棺則西階上賓之者喪事所以即遠斂訖即

奉尸斂于棺賓客之故檀弓云周人殯于西階則猶賓之是也大夫升自西階階東北

面東上注視斂疏注釋曰知視斂者以其文承大斂下故知大夫升為視斂也既馮

尸大夫逆降復位注中庭西面位疏注釋曰知大夫位在

篇朝夕哭云主人入堂下直東序西面卿大夫在其南卿大夫與主人同西面向殯故知大夫位在中庭西面

也巾奠執燭者滅燭出降自阼階由主人之北東注巾

奠而室事已疏釋曰上篇大斂奠時直云乃奠燭升自阼階無執燭降由主人之北故記人言

之云由主人之北東也注釋曰云中巾奠而室事已者既巾訖是室事已故執燭者出也○既殯主

人說髦注既殯置銘于肆復位時也今文說皆作稅兒

生三月鬻髮為髻男角女羈否則男左女右長大猶為

飾存之謂之髦所以順父母幼小之心至此尸柩不見

喪無飾可以去之髦之形象未聞音義

說土活反劉詩悅反髦音毛髻

丁果反又徒禍反

疏

釋曰自此盡乘車論孝子衣服飲食乘車等之事注釋曰云既殯置銘于肆復位時

也者案上篇云主人奉尸斂于棺乃蓋主人降拜大夫之後至者北面視肆卒塗祝取銘置于肆主人復位云復位者從西階下復作階下位也凡說髦尊卑同皆三日知者喪大記云小斂主人即位于戶內乃斂卒斂主人馮之主人袒說髦髻髮以麻注云士既殯說髦此云小斂蓋諸侯禮也士之既殯諸侯之小斂於死者俱三

日也是尊卑同三日也必三日說髮者案禮記問喪云三日而不生亦不生矣以髮是子事父母之飾父母既不生故去之云今文說皆作稅者此說及下經不說經帶二字皆作稅凡釋今古之文皆在注後此在注中者以其釋經義盡者於注末言之以文更有義者釋今古字訖乃更汎說即此注已解今古字訖更釋髮義是也云兒生三月鬻髮為髻男角女羈否則男左女右者內則文彼注云夾曰曰角午連曰羈引之者證髮象幼時髻之義故云長大猶為飾存之謂之髦所以順父母幼小之心是以舜年五十不失孺子之心者也云髦之形象未聞者案詩云髦彼兩髦鄭云髦者髮至眉子事父母之飾以其云髦髦者垂之貌又云兩髦故以髮至眉解之其狀

三日絞垂注成服日絞要經之散垂者音義

散悉疏

釋曰以經小斂日要經大功以上散帶垂不言但反疏成服之時絞之故記人言之注釋曰云成服日

者士禮生與來日則除死三日則經云三日成服此云三日絞垂之日也小功總麻初而絞之不待三日也

冠六升外緹纓條屬厭注緹謂縫著於武也外之者外

其餘也纓條屬者通屈一條繩為武垂下為纓屬之冠

厭伏也音義

緹音必劉又扶結反屬音燭厭一涉反著直畧反

疏

釋曰云冠六升者據斬衰

者而言齊衰以下冠衰各有差降注釋曰云緹謂縫著於武者古者冠吉凶皆冠武別材武謂冠卷以冠前後皆縫著於武若吉冠則從武上鄉內縫之緹餘在內謂之內緹若凶冠從武下鄉外縫之謂之外緹故云外之者外其餘也云纓條屬者通屈一條繩為武垂下為纓屬之冠者吉冠則纓武別材凶冠則纓武同材以一繩從前額上以兩頭鄉項後交通至耳各綴之於武使鄉下纓結之云屬之冠者先為纓武訖乃後以冠屬著武

故云屬也云厭伏也者以其冠在武下過鄉上反縫著冠冠在武下故云厭也五服之冠皆厭但此冠據斬衰而言

衰三升注衣與裳也疏

注釋曰經直云衰鄭兼言裳者以其衰裳升數同故

經舉衰而通裳但首對身首為尊故冠六升衰三升裳三升也是以吉時朝服十五升至於麻冕鄭亦為

三十升布與服一倍而解之

屨外納注納收餘也疏

釋曰案喪服斬衰而言此菅屨

也云外納者謂收餘末鄉外為之取醜惡不事飾故也

杖下本竹桐一也注順其

性也疏

釋曰案喪服為父斬衰以苴杖竹為母齊衰以削杖桐桐竹皆下本謂根本注釋曰鄭云順其

性者謂下其根本順木之性但為父杖竹者義取父者子之天竹性自然圓象天父子自然至孝為母杖桐者

義取桐者同也同之於父言至孝同之於父故喪服貶於父非自然之意也

○居倚廬注倚

木為廬在中門外東方北戶疏

注釋曰知在中門外東方北戶者案喪服傳云

居倚廬既虞翦屏既缺舍外寢鄭彼注云舍外寢於中門之外屋下壘塹為之不塗塹所謂壘室鄭以子夏傳以既練居壘室而言外外為中門外則初死居倚廬倚廬亦知中門外可知也東方者以中門內殯宮之哭位在阼階下西面鄉殯明廬在中門外亦東方鄉殯是以主人及兄弟卿大夫外位皆西面云北戶者以倚東壁為廬一頭至北明北戶鄉陰至既虞之後柱楣翦屏乃西鄉間戶也

寢苦枕塊注苦編藁

塊塹也音義

苦失占反枕之鳩反

疏

釋曰孝子寢卧之時寢於苦塊枕頭必寢苦者哀親之

在草枕塊者哀親之在土注釋曰云苦編藁者案爾雅白蓋謂之苦郭云白茅苦也與此不同者彼取潔白之義此不取潔白故鄭因時人用藁為不說經帶注哀戚苦而言編藁云塊塹也者亦爾雅文

不在於安疏

釋曰云不說經帶者冠衰自然不說以其經帶在冠衰之上故周公說經舉經帶而

言也哭晝夜無時注哀至則哭非必朝夕疏

注釋曰此謂殯後在廬中

除朝夕入哭於廬中思憶則哭無時節故鄭云哀至則哭非必朝夕也

非喪事不言注不

忘所以為親疏

釋曰喪服四制云不言而事行者扶而起言而后事行者杖而起庶人面垢而

已則天子諸侯有臣不言而喪事得行者喪事亦不言大夫士是臣降於君言而事行若然此士禮亦言而事行政故於喪非喪事不言也孝經云言不文亦據大夫士也注釋曰云不忘所以為親者則喪事也是以曲禮云居喪未葬讀喪禮既葬讀祭禮喪復常讀樂章喪事而言亦兼此也

歆粥朝一溢米夕一

溢米不食菜果注不在於飽與滋味粥糜也二十兩曰

溢為米一升二十四分升之一實在木曰果在地曰蔬

音義

數昌悅反粥之六反劉音育溢音逆劉音實

疏

注釋曰云不在於飽者案周禮康人中歲人食

三鬴注云六斗四升曰鬴三鬴為米一斛九斗二升三十日之食則日食米六升四合今日食米一溢一升有餘是不在於飽又案檀弓云必有草木之滋焉以為薑桂之謂也彼薑桂為滋味此鄭以菜藿為滋味則薑桂之外菜藿亦為滋味也云粥康也者案爾雅饔饘謂粥之稀者故鄭舉其類謂性不能食粥者康亦一溢米同也云二十兩曰溢為米一升二十四分升之一者依算法百二十斤曰石則是一斛若然則十二斤為一斗取十二斤分之升得一斤餘二斤斤為十六兩二斤為三十二兩取三十兩十升升得三兩添前一斤十六兩為十九兩餘二兩兩二十四兩二兩為四十八兩取四十兩十升升得四兩餘八兩兩為十兩十升升得八兩則

是一升得十九兩四銖八綮於二十兩仍少十九銖二
綮則別取一升破為十九兩四銖八綮分十兩為二
十四銖則為二百四十銖又分九兩為二十四銖則
為二百一十六銖并四銖八綮添前得四百六十銖八
綮總分為二十四分且取二百四十銖分得十銖餘二
百二十銖八綮在又取二百一十六銖二十四分得
九銖添前分得十九銖餘有四銖八綮四銖銖為十綮
總為四十綮通八綮二十四分得二綮是一升為二十
四分分得十九銖二綮將十九銖添前四銖為二十三
銖將二綮添前八綮則為十綮為一銖以此一銖添前
二十三銖則為二十四銖為一兩以一兩添十九兩總
二十兩曰溢云實在木曰果在地曰蒹者案周禮九職
云二曰園圃毓草木鄭云樹果蒹曰園案食貨志臣瓚
以為在地曰蒹在樹曰果張晏又云有核曰果無核曰
蒹則此云在木曰果在地曰蒹用臣瓚之義
在木曰果蒹栗之屬在地曰蒹瓜瓠之屬

○主人乘

惡車注拜君命拜衆賓及有故行所乘也雜記曰端衰

喪車皆無等然則此惡車王喪之木車也古文惡作𡙇

疏

注釋曰云拜君命拜衆賓及有故行所乘也者以其主人在喪恒居廬哭泣非有此事則不行知義然也

引雜記者證喪事上下同無別義以其貴賤雖異於親一也故孝經五孝不同及其喪親唯有一章而已亦斯義也云然則此惡車王喪之木車者案中車云王之喪車五乘發首云木車蒲蔽是王始喪所乘木車無飾與此惡車同故引

之見尊卑同也

白狗帀注未成豪狗帀覆脊也以狗皮

為之取其腠也白於喪飾宜古文帀為幕音義

帀亡狄反脊力

丁反劉音領本或作輅腠乃管反

疏

釋曰案玉藻云士齊車鹿帀此喪車無飾故用白狗帀以覆脊注釋

曰云未成豪狗者爾雅釋畜文也

蒲蔽注蔽藩疏

釋曰藩謂車兩邊禦風為藩蔽以蒲草亦

無飾也

御以蒲蔽注不在於驅馳蒲蔽牡蒲莖也古文蔽

作駟音義

蔽則留反疏注釋曰御謂御車者士乘惡車劉作候反之時御車用蒲蔽以策馬喪中

示不在於驅馳云蒲蔽牡蒲莖者案宣十二年楚熊負羈囚知罃知莊子以其族反之厨武子御每射抽矢蔽納諸厨武子之房杜注云蔽好箭又云厨子怒曰非子之求而蒲之愛注云蒲楊柳可以為箭以此而言蒲非直得策馬亦為矢幹也

犬服注零間兵服以犬皮為之取堅也亦

白疏

注釋曰云零間兵服者用兵器建之於車上零間喪家乘車亦有兵器自衛以白犬皮為服故云以

犬皮為之取其堅故也云亦白者木館注取少聲今文

幣用白犬皮明此亦用白犬皮也

木館注取少聲今文

館為鐸音義

館音管

疏

注釋曰其車館常用金喪用木是取少聲也

約綏約轡

注約繩綏所以引升車

疏

注釋曰知約是繩者案哀十一年左傳云人尋約吳髮短

杜注云約繩也故知此約亦謂繩也平常吉時綏轡用索為之今喪中取其無飾故皆用繩為之也

木鑣

注亦取少聲古文鑣為苞音義

鑣彼苗反

疏

注釋曰平常用馬鑣以金為之

今用木故知亦取少聲也

馬

不齊髦注齊翦也今文髦為毛主人之

惡車如王之木車則齊衰以下其乘素車縹車駟車漆

車與音義

齊如字又子淺反縹音早馳亡江反與音餘

疏

注釋曰此注解文不於末者亦以釋

不齊髦訖別記釋車義故也云齊衰以下其乘素車縹車駟車漆車與案巾車王之喪車五乘木車始死所乘

素車卒哭所乘纁車既練所乘駟車大祥所乘漆車既禫所乘案此士之喪車亦當五乘主人乘惡車齊衰乘素車與卒哭同大功乘纁車與既練同小功乘駟車與大祥同總麻乘漆車與既禫同主人至卒哭已後哀殺故齊衰以下節級約與主人同故鄭為此義也若然士尋常乘棧車不革鞅而漆之今既禫亦與王以下同乘漆車者禮窮則同故也

主婦之車亦如之疏布袵注袵者車裳幘

於蓋弓垂之音義

被尺占反

疏

釋曰疏布袵在亦如之之下見不與男子同注釋曰云袵

者車裳幘者案衛詩曰新車幘裳注云幘裳童容又案中車后之翟車有容蓋容則童容也若然則袵與幘裳及容一也故注者互相曉也云於蓋弓垂之者案巾車云皆有容蓋容蓋相將其蓋有弓明於蓋弓垂之也

貳車白狗攝服注貳副也攝猶緣也狗皮緣服差飾音

義

緣悅絹反
差初皆反

疏

釋曰依正禮大夫以上有貳車士卑無貳車但以在喪可以副貳之車非常法

則有兵服服又加白狗皮緣之謂攝服注釋曰云狗皮緣服差飾者對主人服無緣此則有緣是差也

其

他皆如乘車注如所乘惡車疏

注釋曰云其他者唯白狗攝服為異其他謂惡

車白狗幣以下齊髦以上皆同主人惡車也

○朔月童子執帚卻之左手奉

之注童子隸子弟若內豎寺人之屬執用左手卻之示

未用疏

釋曰此盡下室論饋奠埽潔之事案曲禮埽地者箕箒俱執此直執帚不執箕者下文埽室聚

諸寔故不用箕也注釋曰云童子隸子弟者案桓二年左傳云士有隸子弟服注云士卑自其子弟為僕隸祿不足以及宗是具有隸子弟也知有內豎及寺人者士雖無臣亦有內外之閑寺人奄者以通宮中之命也云

示未用者用之
則用右手也

從徹者而入注童子不專禮事疏

注釋曰案

論語憲問云童子將命先生竝行注引玉藻無事則比
立主人之南北面皆不專以禮事故從徹者而入也

奠舉席埽室聚諸爿布席如初卒奠埽者執帚垂末內

鬣從執燭者而東注比猶先也室東南隅謂之爿音義

比必二反注同爿一弔反又音者見
爾雅鬣音獵又以接反先悉見反

疏

釋曰案上文童子從徹者入及

此經則從執燭者出者以其入則燭在先徹者在後出
則徹者在先執燭者在後童子常在成人之後故出入

所從不同也注釋曰云室中東南隅謂之爿者爾雅釋宮文

燕養饋羞湯沐之饌如

他日注燕養平常所用供養也饋朝夕食也羞四時之

珍異湯沐所以洗去汙垢內則曰三日具沐五日具浴
孝子不忍一日廢其事親之禮於下室日設之如生存

也進徹之時如其頃

音義

供九用反洗惡禮反
劉本作淬七對反

疏

注釋曰云

燕養者謂在燕寢之中平生時所有供養之事則饋羞
湯沐之饌是也如他日者今死不忍異於生平之日也
云饋朝夕食也者鄭注鄉黨云不時非朝夕日中時一
日之中三時食今注云朝夕不言日中者或鄭略去亦
有日中也或以死後略去日中直有朝夕食也知羞四
時之珍異者聘禮有禽羞餼厭聘義云時賜鄭云時賜
四時珍異故知此羞亦四時珍異也引內則者證經進
湯沐亦依內則之日數知下室日設之者言其燕養在
燕寢又下經云朔月不饋食於下室明非朔月在下室
設之也以其燕養在燕寢中設之可知云進徹之時如

其頃者一如其平生子進食於父母故雖死象生時若一時之頃也

朔月若薦新則不饋

于下室注以其殷奠有黍稷也下室如今之內堂正寢

聽朝事音義

朝直

疏

注釋曰云以其殷奠有黍稷也者

大小斂奠朝夕奠等皆無黍稷故

上篇朔月有黍稷鄭注云於是始有黍稷唯有下室若生有黍稷今此殷奠大奠也自有黍稷故不復饋食於下室也若然大夫以上又有月半奠有黍稷亦不饋食於下室可知云下室如今之內堂者下室既為燕寢故鄭舉漢法內堂況之云正寢聽朝事者天子諸侯路寢以聽政燕寢以燕息案玉藻云朝玄端夕深衣鄭注云謂大夫士也則聽私朝亦在正寢也○筮宅冢人物土注物猶相也相具

地可葬者乃營之音義

相悉亮反

疏

釋曰自此盡不哭論筮宅卜日之事正經筮宅

之事不物土故記人言之注釋曰云相其地可葬者乃營之者凡葬皆先相乃筮之筮吉乃掘坎今直云營之不言筮宅者營之中兼筮故經云筮宅冢人物土是使冢人物土乃筮者也

卜日吉告從于

主婦主婦哭婦人皆哭主婦升堂哭者皆止注事畢疏

釋曰正經直云闔東扉主人哭不云主婦升堂哭者皆止之事故記明之注釋曰云卜日吉宗人告從于主婦主婦哭時堂上婦人皆哭主婦升堂堂上婦人皆止不哭

○啓之昕外內不哭注將

有事為其謹囂既啓命哭古文啓為開音義

昕音疏

自上皆記士喪上篇事自此以下皆記此篇篇首將啓殯唯言婦人不哭不云男子故記以明之注釋曰云外內男女不哭止謹囂故也夷牀輅軸饌于西階東注明階間者位近

西也夷牀饌於祖廟軼軸饌於殯宮其二廟者於禰亦

饌軼軸焉古文軼或作拱疏

釋曰其夷牀在祖廟軼軸在殯宮以其西階東是同

故併言之注釋曰鄭注云明階間者位近西也者以正經直云階間恐正當兩階之間故記人明之是以鄭云明階間者位近西以其軼當殯奠位之處故夷牀在西還當牖軼軸以俟載軼故近西皆在西階東云其二廟者於禰亦饌軼軸焉者以其先朝禰故至禰廟一移軼升堂明旦乃移於軼軸上載以朝祖廟朝祖廟時下軼訖明日用蜚車軼軸不復更用不饌之故云二廟者於禰亦饌軼軸焉

○其二廟則饌于

禰廟如小斂奠乃啓注祖尊禰卑也士事祖禰上士異

廟下士共廟疏

釋曰自此盡主人踊如初論上士二廟先朝禰奠設及位次之事云其二廟則

饌于禰廟者以先朝禰後朝祖故先於禰廟饌至朝設之故也云如小斂奠者則亦門外特豚一鼎東上兩甌醴酒一豆一簋之等也注釋曰云祖尊禰卑也者欲見上文朝祖時如大斂奠此朝禰如小斂奠多少不同之意也云士事祖禰者總上士及中下之士而言云上士異廟據此經而言下士共廟據他經而言中士亦共廟而唯言下士者略之其實中士亦共廟故祭法云適士二廟官師一廟鄭云官師中下之士是也 朝于

禰廟重止于門外之西東面柩入升自西階正柩于兩楹間奠止于西階之下東面北上主人升柩東西面衆主人東即位婦人從升東面奠升設于柩西升降自西階主人要節而踊注重不入者主於朝祖而行若過之

矣門西東面待之便也疏

釋曰此是上士二廟先朝禰之事雖言正柩于兩楹間奠

位在戶牖之間則此於兩楹間稍近西乃得當奠位亦如輅軸饌于階間而近西然也云衆主人東即位者柩未升之時在西階下東面北上柩升主人從升主人已下乃即阼階下西面位云婦人從升不云主婦者以其婦人皆升故總言之云主人要節而踊者奠升主人踊降時婦人踊也注釋曰云門西東面待之便也者以其祖廟在東柩入禰廟明旦出門東鄉朝祖時其重於柩車先東鄉祖廟便也若先在門東西面及柩入乃廻鄉東則不便故云燭先入者升堂東楹之南西面後入者東面待之便也

西階東北面在下注照正柩者先先柩者後後柩者適

祖時燭亦然互記於此音義

先先柩上如字下西見反後後柩上如字下戶豆反

疏

注釋曰此燭本是殯宮中照開殯者在道時一在柩前一在柩後今又一升堂一在堂下故鄭云先

者後後柩者云適祖時燭亦然互記於此者上適祖時直有朝廟在道柩前後之燭至廟直云質明滅燭不見燭之升堂不升堂此文見至廟燭升與不升不見在道燭故云適祖時燭亦然互記於此以其皆有在道及至廟燭升與不升之事也

主人降即位徹乃奠升自西階主人踊如

初注如其降拜賓至於要節而踊不薦車不從此行疏

注釋曰云如其降拜賓至於要節而踊者案上經云朝祖時既正柩設從奠訖主人降拜賓至於要節而踊故此記所云如之也云不薦車不從此行者案上祖禰共廟者朝廟日即薦車此二廟明日於祖廟薦車馬以其從祖廟行故薦今此禰廟不從此行故不薦也

○祝及執事舉奠巾席從而降

柩從序從如初適祖注此謂朝禰明日舉奠適祖之序

也此祝執醴先酒脯醢俎從之中席為後既正柩席升

設設奠如初祝受巾中之凡喪自卒至殯自啓至葬主

人之禮其變同則此日數亦同矣序從主人以下今文

無從疏

釋曰自此盡不煎論至祖廟陳設既贈之事注釋曰云此謂朝禰明日者以其下文朝祖之時

序從如初中有燭若同日則朝祖之時已自明矣何須

更有燭也以此言之則此朝祖與朝禰別日可知故鄭

云舉奠適祖之序也云此祝執醴先酒脯醢俎從之中

席為後者此禰奠與小斂奠同小斂奠時云夏祝及執

事盥執醴先酒脯醢俎從之此經亦祝及執事舉奠明此

亦執醴先酒脯醢俎從之此經所云巾席為後也云既

正柩席升設設奠如初祝受巾中之者上正經朝祖時
正柩于兩楹間訖席升設於柩西奠設如初巾之經直
云中無祝受巾知祝受巾中之者以上篇設小斂奠
訖祝受巾中之此與小斂奠同明設奠訖祝受巾中之
可知云凡喪自卒至殯自啓至葬主人之禮其變同者
主人常在喪位不出唯君命乃出迎及送其變同則此
日數亦同以其此二篇自啓日朝禰又明日朝祖又明
日乃葬與始死日襲明日小斂又明日大斂而殯亦同
主人主婦變服亦同以其小斂主人散帶主婦髻自啓
至葬主人主婦亦同於未殯也云序從主人以下者案
上注云主人與男子居右婦人居左以服與昭穆為位是也

○薦乘車鹿淺牀干笄

革鞅載殯載皮弁服纓轡貝勒縣于衡注士乘棧車鹿
淺鹿夏毛也牀覆苓玉藻曰士齊車鹿牀豹植干盾也

竿矢箛也鞬韉也。韉旌旗之屬通帛為韉孤卿之所建亦攝馬皮弁服者視朔之服貝勒貝飾勒有干無兵有

箛無弓矢明不用古文鞬為殺韉為膳音義

乘繩證反後皆同鞬

息列反韉之然反縣音懸下注同夏戶嫁反齊側皆反韉音直韉居良反劉本作韉音獲疏并下車三乘謂葬之龜車注釋曰云士乘棧車者巾車之文云鹿淺帶謂車前式豎者苓子以鹿夏皮淺毛者為帶以覆式是以詩韓奕云鞬靽淺幔傳云鞬革也靽式中也淺虎皮淺毛也幔覆式也引玉藻者彼注云韉謂緣也士之齊車與朝車同引之欲證此鹿帶亦以豹皮為緣飾云韉旌旗之屬云云者案司常云孤卿建韉大夫士建物此士而用韉故云亦攝焉云皮弁服者視朔之服者案玉藻云諸侯皮弁以聽朔於大廟鄉黨孔子云素

衣虔裘亦是視朔之服君臣同服是以此士亦載皮弁視朔之服也云貝勒貝飾勒者貝水物故以貝飾勒云有干無兵有簾無弓矢明不用者以其干與戈戰兵器及簾與弓矢皆相須乃用今有干無兵有簾無弓矢明死者不用故闕之也

道車載朝服注道車朝夕及燕出入之車朝

服日視朝之服也玄衣素裳疏

注釋曰知道車朝夕及燕出入之車者但士乘

棧車更無別車而上云乘車下云橐車此云道車雖有一車所用各異故有乘車道車橐車之名知道車朝夕者案玉藻云朝玄端夕深衣鄭注云謂大夫士私朝之朝春秋左氏傳云朝而不夕據朝君於是朝無夕若然云朝夕者士家朝朝暮夕常家私朝之車人云及燕出入者謂士家遊燕出入之車案周禮夏官有道右道僕皆據象路而言道又案司常云道車載礔鄭注云王以朝夕燕出入與此道車同則士乘棧車與王乘象路

同名道云朝服日視朝之服者案鄉黨云緇衣羔裘是孔子所服鄭注云諸侯視朝之服是君臣同服故王藻云諸侯朝服以日視朝士之道車而用朝君之服不用私朝玄端服者乘車既載孤卿之禮故道車亦載朝君之服攝盛也云玄衣素裳者士冠禮云主人玄冠朝服緇帶素鞶注云不云衣衣象冠色則不云裳裳象鞶色可知故云玄

橐車載簑笠注橐猶散也散車以田以鄙

之車簑笠備雨服今文橐為潦凡道車橐車之纓轡及

勒亦縣于衡也**音義**

橐古老反劉古到反
簑素禾反散悉但反
疏注釋曰云
橐猶散也

者案上乘車道車皆據人之乘用為名不取車上生稱則此散車亦據人乘為號知散車以田以鄙之車者案司常云狩車載旌注云狩車木路也王以田以鄙謂王行小田獵巡行縣鄙此散車與彼狩車同是狩散所乘

故與旂車同解若然士亦與王同有以田以鄙者亦謂從王以田以鄙也若正田獵自用冠弁服乘棧車也云
簾笠備雨服者案無羊詩云爾牧來思何簾何笠彼注云簾所以備雨笠所以備暑而此并云備雨者非直簾以御雨笠亦以備雨故都人士詩注云笠所以御雨喪事不避暑是以并云備雨之服云今文橐為潦者案周禮輪人為蓋鄭云禮所謂潦車謂蓋車與若然彼注此文則為潦車者義亦通矣凡道車橐車之纓轡及勒亦縣於衡者以車三乘皆當有馬有馬則有此三者但記人舉上以明下乘車云纓轡貝勒縣於衡即此三者亦可知

○將載祝及執事舉奠戶西南面東上卒束前

而降奠席于樞西注將於樞西當前束設之疏

釋曰經載樞時

不云去奠設席之事故記人明之注釋曰云將於樞西當前束設之者經雖先云舉奠後云降奠席要須設席

乃設奠故云將於柩西當前束是也

巾奠乃牆注牆飾柩也

疏

釋曰正經直云降奠當前束商祝飾棺不云中奠故記人辨之注釋曰巾奠訖商祝乃飾棺牆即帷荒與

棺為飾故變飾棺云牆也

○抗木刊注剝削之古文刊為竿疏

注釋曰刊

削也而云剝者木無皮者直削之有皮者剝乃削之故蕪言剝

茵著用茶實綏澤焉注

茶茅秀也綏廉薑也澤澤蘭也皆取其香且御溼音義

茶大奴反御魚呂反劉本作衙音御

疏

注釋曰茵內非直用茅秀蕪實綏澤取其香知且御溼者以其在棺

下須御溼之物故與茶皆所以御溼

葦苞長三尺一編注用便易也疏

注釋

曰言便易也者葦草即長截取三尺一道編之用便易故也

管筭三其實皆淪注米

麥皆湛之湯未知神之所享不用食道所以為敬音義

管古頑反宵所交反淪餘疏釋曰經直云宵三黍稷麥

若反湛子廉反又子廕反

疏

釋曰經直云宵三黍稷麥

熟故記人明之是以云宵用菅草黍稷皆淹而漬之注

釋曰云未知神之所享者以其鬼神幽暗生者不見故

淹而不熟以其不知神之所饗故也云不用食道所以

為敬者案檀弓云飯用米貝不以食道食道褻則不敬

故云不用食道
○祖還車不易位注為鄉外耳未行音

義

還音

疏

釋曰案正經乃祖還乘車道車橐車不辨還

患

疏

之遠近故記人明之注釋曰雖還車不易本

位為鄉外耳還車未行者皆不易位上經未還車車在

階間婦人在堂上還車去階間婦人降堂下若然則是

還車易位而云不易位者以其三分其庭為三位車雖

去階間猶不離三分其庭一在北之位據大判而言不

易位也 執披者旁四人注前後左右各二人疏注釋曰前後左右各

二人者謂前之左右後之左右則一旁四人兩旁則八人上經鄭注云備傾虧也 ○凡贈幣無

常注賓之贈也玩好曰贈在所有疏釋曰正經云公賜用玄纁束帛是贈

有常矣上又云賓贈奠幣如初直云奠幣如初不云物色與多少故記人明之注釋曰以其賓客非一故云凡

贈幣無常鄭注云賓之贈也云玩好曰贈在所有者詩云知子之來之雜佩以贈之是贈在所有也 ○凡

糗不煎注以膏煎之則褻非敬疏釋曰正經葬奠直云四遷棗糗栗脯不云

糗之煎不故記人明之注釋曰凡糗直空糗而已不用脂膏煎和之是以鄭云以膏煎之則褻非敬故云不煎

此篇唯葬奠有糗而此云凡者記人通記大夫以上也 ○唯君命止柩于垣其餘

則否注不敢留神也垣道也曾子問曰葬既引至於垣

音義

垣古鄧反

疏

釋曰正經直云柩至邦門君使宰夫贈不云止柩之事故記人明之注釋曰引曾子

問者彼為日食此為君命雖不同止柩是同故引之證止柩之事

○車至道左北面立

東上注道左墓道東先至者在東疏

釋曰正經直云陳器于道東西北上

統于墳以其入墳故也不云三等之車面位之事故記人明之以其不入墳故東上不統于墳也注釋曰云道左墓道東者據墓南面為正故知道左是墓道東也當是陳器之南云先至者在東者以乘車道車橐車三者次第為先後先至為乘車也必知此車是乘車之等者以其下有柩車故知此是三等者也

柩至于

壙斂服載之注柩車至壙祝說載除飾乃斂乘車道車

橐車之服載之不空之以歸送形而往迎精而反亦禮

之宜音義

斂收斂之斂注同說土活反劉詩悅反

疏

釋曰正經直云柩至于壙屬引乃窆不云

柩車斂服載之故記人明之注釋曰云柩車至壙祝說載除飾乃斂乘道橐車服載之不空之以歸者此解說載謂下棺於地除飾謂除去帷荒柩車既空乃斂乘車皮弁服道車朝服橐車簾笠三者之服載之於柩車示不空之以歸者也云送形而往迎精而反者禮記問喪文引之證此不空歸之義云亦禮之宜者形往則送之主人隨柩路是也精反則迎之主人隨精而反是亦禮之宜然也故云禮之宜也

卒窆而歸不

驅注孝子往如慕反如疑為親之在彼疏

釋曰此文解上斂服載之

下棺訖實土三孝子從蜃車而歸不驅馳而疾者疑父母之神不歸注釋曰云孝子往如慕反如疑者亦禮記

問喪文云孝子往如慕者如嬰兒隨母而啼慕反如疑者孝子不見其親不知精魂歸否故疑之云為親之在彼者謂疑精魂在彼不歸言此者解經不驅之事 ○君視斂若不待奠加蓋而

出不視斂則加蓋而至卒事注為有他故及辟忌也疏

釋曰君於士既殯而往有恩則與大斂既布衣君至奠訖乃出不辨不得終視斂之事故記人明之是以經二事皆見於禮而記云君視斂若不待奠加蓋而出者一為君有急事他故是以不得待奠云不視斂則加蓋而至卒事者亦是君有辟忌不用見尸柩是以加蓋乃來云卒事者待大斂訖乃出 ○既正柩賓

出遂匠納車于階間注遂匠遂人匠人也遂人主引徒

役匠人主載柩寔職相左右也車載柩車周禮謂之蜃

車雜記謂之團或作輶或作搏聲讀皆相附耳未聞孰正其車之輦狀如牀中央有轅前後出設前後輅輦上

有四周下則前後有軸以輶為輪許叔重說有輶曰輪

無輶曰輶音義

蚤市軫反團輶搏並市專反又市轉反劉團及輶市專反搏大官反

疏

釋曰

正經不云納輶車時節故記人明之既朝正輶於兩楹之間當此之時遂匠納輶車於階間注釋曰云遂人匠人也者以其周禮有遂人匠人天子之官士雖無臣亦有遂人匠人主其葬事云遂人主引徒役匠人主載輶寔職相左右也者案周禮遂人職云大喪帥六遂之役而致之掌其政令及葬帥而屬六綽及寔陳役注云致役致於司徒給墓上事陳役者主陳列之耳是遂人主引徒也又鄉師職云既葬執轡以與匠師御匱而治役

謂監督其事又此遂人與匠人同納車于階間即匠人主載窆與遂人職相左右也云車載柩車者以其此云納車于階間正謂載柩若乘車道車之等則當束縶不在階間故知此是柩車也云周禮謂之蜃車者案遂師職云大喪使帥其屬以幄帟先及蜃車之役注云蜃車柩路也柩車載柩四輪迫地而行有似於蜃因取名焉是也云雜記謂之團或作輅或作輅聲讀皆相附耳未聞孰正者言或作輅或作輅者皆或禮記別本故云皆相附耳但未知孰正也云其車之輅狀如牀中央有輅前後出者觀鄭此注其輅與輅車同亦一輅為之云設前後輅者正經唯云前輅言前以對後明知亦有後輅云輅上有四周者此亦與輅車同云下則前後有軸以輅為輪者此則與輅異以其輅無輪直有轉輅此有輅輅引許叔重說者案許氏說文云有輪無輅曰輅證此輅也

○祝饌祖奠于主人之南當前輅北上巾之注言

饌於主人之南當前輅則既祖祝乃饌疏

釋曰正經直云祖還車及

還重訖乃奠如初不云饌處故記人明之注釋曰祝饌祖奠於主人之南當前輅云則既祖祝乃饌者以其未祖以前柝車鄉北輅在主人之北今云饌于主人之南明知既祖還乃鄉饌之 ○弓矢之新沽

功注設之宜新沽示不用今文沽作古音義

沽音古疏注同

釋曰自此盡篇末論死者用器弓矢麤惡之事以其正經直云用器弓矢不辨弓矢善惡及弓矢之名故記人明之注釋曰設之宜新者為死者宜用新物云沽示不用者沽謂麤為之 有弭飾焉注弓無

緣者謂之弭弭以骨角為飾音義

弭面爾反疏注釋曰緣以絹反案爾雅

云弓有緣謂之弓無緣謂之弭孫氏云緣繫約而漆之無緣不以繫約骨飾兩頭是此弭也詩云象弭魚服是

用象骨弓隈既用角明兩頭亦張可也注亦使可張疏
亦得用故鄭總云骨角為飾
注釋曰生時之弓有張弛此死者之弓
雖不射而沽略亦使可張故曰亦也
有秘注秘弓繫

弛則縛之於弓裏備損傷以竹為之詩云竹秘緹滕古

文秘作柴音義

柴音景弛式氏反緹古本反滕大登反柴音秘

疏

注釋曰秘弓繫者案冬官

弓人造功之時弓成納之槩中以定往來體此弓槩謂
凡平弛弓之時以竹狀如弓縛之於弓裏亦名之為秘
者以若馬秘然馬秘所以制馬弓秘所以制弓使不損
傷故謂之秘引詩云竹秘緹滕者緹縹也滕約也謂以
竹為秘以繩約之此經之秘雖
麋略用亦如此故引之為證
設依撻馬注依纏絃也

撻附側矢道也皆以韋為之今文撻為銛音義
達他疏

欽定四庫全書

卷十三

注釋曰言依者謂以韋依纏其弦即今時弓彊是也云
捷附側矢道也者所以捷矢令出謂生時以骨為之今
死者用韋云皆以韋為之者謂依
與捷皆以韋為之異於生者也
有韠注韠弓衣也以

緇布為之音義

獨

疏

注釋曰

知韠

弓衣者案月令云
用緇布為之者此無正文鄭

驗當時弓衣用緇布而言也

猴矢一乘骨鏃短衛注猴

猶侯也侯物而射之矢也四矢曰乘骨鏃短衛亦云不
用也生時猴矢金鏃凡為矢五分竒長而羽其一音義

猴音侯又音候鏃子木反一音七木
反射食亦反竒古老反又工但反

疏

注釋曰言侯物
而射之者案司

弓矢鄭注云可以伺侯射敵之近者及禽獸鄭君兩注
語異義同云骨鏃短衛亦示不用也者案上文沽功鄭

云示不用故此亦云云生時翫矢金鏃者此亦爾雅釋器文案彼云金鏃翦羽謂之翫是也此言短羽即翦羽也云凡為矢五分等長而羽其一者案周禮矢人上陳五矢下乃云五分其長而羽其一故云凡以廣之也案鄭彼注云矢等長三尺五分羽一則六寸也謂之羽者指體而言謂之衛者以其無羽則不平正羽所以防衛其矢不使不調

故名羽為衛

志矢一乘軒輶中亦短衛注志猶擬也

習射之矢書云若射之有志朝顰也無鏃短衛亦示不用生時志矢骨鏃凡為矢前重後輕也音義

輶音周字林云重也

一曰顰也又音弔顰音至

疏

注釋曰云志猶擬也者凡射志意有所准擬故云志猶擬也云習射之矢者案

司弓矢鄭注云恒矢之屬軒輶中所謂志以此言之則此恒矢也在八矢之下知是習射矢者以其矢中特輕

於習射宜也案六弓唐弓大弓亦授習射者則此矢配
唐大也引尚書盤庚者證志為准擬之事調鑿者鄭讀
調從鑿以其車傍周非是軒鑿之鑿故讀從執下至云
無鑿短衛亦示不用者知此矢無鑿者上經騶矢言骨
鑿此經不云鑿故知無鑿示不用也若然騶矢生時用
金鑿死用骨鑿志矢生時用骨鑿死則令去之云生時
志矢骨鑿者亦爾雅釋器文案彼云骨鑿不翦羽謂之
志此志矢是也云凡為矢前重後輕也者案司弓矢鄭
注云凡諸矢之制枉矢之屬五分二在前三在後殺矢
之屬三分一在前二在後增矢之屬七分三在前四在
後恒矢之屬軒輶中若然前重後輕者據殺矢騶矢枉
矢潔矢增矢第矢而言引之者證此志是恒矢庫矢無
前重後輕之義案周禮有八矢唯用此二矢者以其八
矢之內騶矢居前最重恒矢居後最輕既不盡用故取
其首尾
者也

儀禮注疏卷十三

儀禮注疏卷十三考證

夷牀饌于階間○夷字石經及教本作夷

臣紱

按下云

用夷牀前後亦錯出不一但釋文於此云夷音夷則知舊作夷字久矣非監本誤也今仍之

丈夫髮散帶垂疏若啓後著免亦是貶矣○

臣恂

按啓

後自當免不應云貶以上文君弔主人必免為人君變推之則貶字蓋變之譌下云反哭之時更無變服亦可證也

衆人東即位○教繼公云東即位者衆主人也脫一主字以記考之可見

主人踊無算注婦人皆室戶西南面奠畢乃得東面○

臣紱

按經言西面注乃言東面何也似當作柅東西面疏亦可證一云東面謂鄉東行也仍之

御者執策立於馬後○策字釋文作筴張淳云儀禮謂著為筴筴為筴皆筴也唯方策作策考石經及教本與監本同仍之

有司請祖期注當以告賓每事畢輒出○教繼公云每
上更當有一賓字

設披注人居旁牽之以備傾○集說傾下有虧字

加茵用疏布注木三在上茵二在下○臣紱按抗木與

茵皆縮二橫三陳之用之橫縮相變木先縮後橫茵
先橫後縮則茵二在下當作茵三在下故疏已作茵
三之解或云疏以渾天言之在外者為上則在內者
為下疏與注似異而實同也

祖還車不還器○教繼公云祖字似衍又經無此例
擯者出請入告出告須○石經及教本無上出字今从
黃本楊本又石經疊一須字當是衍文

若無器則梧受之注謂對相授不委地○集說授下有
受字

四籩棗糗栗脯○教繼公云上四豆為饋食之豆此四
籩亦當為饋食之籩然籩人職有棗栗無糗脯似其
所脫者

陳器注適歛藏之○

臣宗楷

按疏云本作夜歛適似寫

誤據此則改適歛為夜歛反與疏語不符今仍適字
徹者入踊如初疏吾子不見大饗乎○饗字監本譌作
享今據雜記改正

實土三主人拜鄉人○教繼公云下言襲是亦袒拜鄉
人也不言袒文脫耳

疾病外內皆埽○外內監本作內外今依石經及教本
改正

御者四人抗衾而浴禮第○教繼公云古字禮袒通詩
禮禡暴虎史記左禮右禮是也舊音之善反非

設握裏親膚○裏字監本譌作裏今依石經及教本改
正

冠六升外緹○教繼公云緹喪服傳作畢疑此誤

又疏冠在武下故云厭也○臣緩按冠在武下外畢
則然非厭字之義厭者厭伏於髮不如吉冠之戔戔
也疏似未的

比奠舉席埽室聚諸突○突或作窰石經及釋文俱作
突從之

卜日吉○日字監本譌作曰石經亦譌黃本教本作日
從之教氏注云日人質反蓋恐人誤讀耳

主人降即位徹乃奠升自西階○石經及教本升字下
有降字

薦乘車鹿淺幣干笄○干石經作于

管筭三○管釋文作管

既正柩賓出○教繼公云既正柩與賓出不相屬蓋有

爛文焉

臣紱

按賓出凡朝夕皆有之記欲于朝祖記

納車以為將載之節故以既正柩先之似無爛文

有弭飾焉亦張可也○張可監本譌作可張今依石經

及教本改正

猴矢一乘○張淳云釋文經猴矢上更有一矢字

儀禮注疏卷十三考證